

ქართულთ მრეწველნი

Handwritten signature

I.

გიორგი დავითისძე



1830-1901

ქართველიზვილი

(1830-1901)

თბილისი.

სტამბა კ. თავართქილაძისა არენდატ. ა. მუგდუსიაკოფოვი.

1904.



ქართულთ პრეწველნი


Handwritten signature

I.

გიორგი დავითისძე

37251

ქართულიზვილი



ზ. ჭიჭინაძისა

თბილისი.

სტამბა კ. თაყარტყილაძისა

1904.



Доз. ценз. Тифлисъ, 17 октября 1903 г.

ზ ი ო რ გ ი ქ ა რ თ ვ ე ლ ი შ ვ ი ლ ი

თუ ოდესმე ქართული მწერლობის ისტორია დაიწერა, იქ უეჭველია შესაფერს ადგილს დაიჭერს გიორგი დავითის ძე ქართველიშვილის სახელიც. ამის საფუძვლად საკმარისია ძვირფასად „ვეფხვის-ტყაოსნის“ გამოცემა, გაზეთ „ღროების“ გამომცემლობა და მასთან სხვაც ბევრი რამ თვალთ საჩინო საქმენი, რომელნიც ამ წარჩინებულის კაცისაგან გაკეთებულა ჩვენს ქვეყანაში და რაც დიდის სისუფთავით და სიუხვით განთესილა ქართველ გვარის სასარგებლოდ, სადიდებლოდ და წინ წასაწევად. გიორგი დავითის-ძე ჩვენის ღროის კვალად, ქართველთ შორის, იშვიათი პირია, განკერძოებულის თვისების მექონი, მამულიშვილობით სამაგალიათო და უსამზღვრო... ვისაც კი ამ პირის პირადი ცნობა ჰქონდა, ის ამაზედ ცხადად დამერწმუნება და გიორგი დავითის ძეს ჩვენის ღროის კვალად აღიარებს ერთს უსუფთავეს და თან მისაბაძ მამულისშვილათ. ასეთის თვისებისა იყო გიორგი დავითის-ძე და ასეთსავე აზრებს ჰქადაგებდა იგი ყველგან.

უნდა მოგახსენოთ, რომ როგორათაც გიორგი დავითის-ძე მწერლობის ასპარეზედ გამოჩნდება გამომცემლობით, იგი ისევე, თუ კი ოდესმე დაიწერა ქართველი ერის აღებ-მიცემის, ანუ მრეწველობის ისტორია, იქაც გიორგი დავითის ძე ერთს წარჩინებულს ადგილს დაიკავებს. მრეწველობის და აღებ-მიცემის ასპარეზედ იგი მრავალთაგან მისაბაძი პირია, მისი გამოცდილება დი საუბარი ქართველ ერის ვაჭრობითი წარმატებაზედ მეტად საყურადღებოა, აღსანიშნავი და სახსომებელი, რადგანაც მისი მცნებანი ქართველი ერისთვის დიდს დარიგებათ ჩაითვლება, დიდს ოსტატობათ, ქართველებში აღებ-მიცემის განმტკიცების ასაღორძინებლად და ურთი-ერთ შორის საცნობლადაც კი, რათა ამ ახლად განღვიძებულის ვაჭ-

რობის ასპარეზედ ქართველ ვაჭარმა, მრეწველმა, ხელოსანმა და მათმა მუშამ იცნან ერთმანერთი, იცნონ ერთმანერთის ავი და კარგი, საქმიანობა, ერთობის მნიშვნელობა და მასთან მის საშუალებით ყოველი ნაირის მზრითაც ვაჭრობის ასპარეზედ დაწინაურობენ.

ასეთ საქმეთა შესახებ გიორგი დავითის ძის საუბარი ჩვენ ხშირად მოგვსმენია, იგი თავიდან ბოლომდის ამ მიმართვას ეკუთვნოდა, ამაზე ქადაგებდა ყოველთვის და ამიტომ ჩვენც მოვალენი ვართ მის სიტყვით მოთხრობილ აზრები და დავალებანი ბეჭვდით ავსუხვით. მე დარწმუნებული ვარ, რომ ამ ანუსხვილს თავისებური მნიშვნელობა არ მოაკლდება და გიორგი დავითის ძეც თავის მამულიშვილობით ღირსეულად გამოჩნდება.

გიორგი დავითის ძე ქართველიშვილი დაიბადა 1830 წ. 10 გიორგობისთვის, ქ. თბილისში. მშობლები მისი ირაკლებოდნენ თბილისის მკვიდრ მცხოვრებ მოქალაქეთ, ამიტომ მთელ სიცოცხლის გატარება გიორგის თბილისში მოუხდა, თბილისში გაახილა თავლები, აქ დავაუკაცდა, საქმის ასპარეზედ აქ გამოვიდა, აქ წადგა ფეხი წინ, აქ შეიმოსა წარმატებით და უკანასკნელ აქვე მიიცვალა. აქედამ კარგად სჩანს, რომ გიორგი დავითის ძეს მთელს თავის სიცოცხლეში მეტად მჭიდრო კავშირი უნდა ჰქონოდა თბილისის ქართველ აღებ-მიცემის ხალხთან, მრეწველებთან, ხელოსნებთან და მუშებთანაც, ამას ფიქრი არ უნდა, რადგანაც უამისოდ თბილისში მცხოვრები ქართველი კაცი ვერ იცხოვრებდა, იგი რაც გინდ კარ ჩაკეტოს საქმეში ყოფილიყოს მომწყვდელი, მას მაინც მჭიდრო კავშირი ექნებოდა ქართველ ერის ვაჭრობითი და მრეწველობითი აღორძინების საქმესთან.

გიორგი დავითის ძის შესახებ ეს რომ ასე იქნებოდა და ჭეშმარიტია, ამას ამტკიცებს ის გარემოებაც, რომ გიორგი დავითის ძემ მეტად კარგად იცოდა თბილისის ქართველთა ვაჭართა და ხელოსანთა ცხოვრება, მათი ავი და კარგი, ზნე,

ასიათი, შეძლება და უქონლობა, მოხერხება და სხვა. მრახვალნი რაც კი კაცისათვის აუცილებელს სამკაულ მხარეს შეადგენს, ამიტომ გიორგი დავითის-ძეს თფილისის მცხოვრებ ქართველთ შესახებ მეტად გული სტკიოდა, სწუხდა მათს დაქვეითებაზედ, მათს უძღურებას და არა რაობას. ყოველთვის მწუხარებით უმზერდა განსვენებული და ამბობდა, რომ ქართველნი თავიანთ მამულებს მარჯვნივ და მარცნივ ფანტავენ ისე, რომ თითონაც არ იციან რისთვის, ვისთვის და რათა? ყოველივე მათ ხელიდამ ეცლებათ მხოლოდ მუცლის, თამაშის და ქეიფობის გამო. რამდენი დიდი გვარის ოჯახი დაეცა ცუდის შეილების მეოხებითა, იტყოდა ხოლმე: სადაც აქამდე მათი სახლების ტახტები ხალიჩით იყო მოფენილი, იქ მის მაგიერ ფარდაგებიც აღარ არისო. ასეთის ოჯახების დაქვეითება იყო დიდი უბედურება თვით ქართველ გლეხთაცათ, რადგანაც უკანასკნელ დაქვეითებულ ოჯახის შეილნი თავიანთ ყმებს აწვებოდნენ კისერზედ და ბოლოს ბატონი და ყმანიც ერთად ეცემოდნენ ცხოვრების ასპარეზედ, მათი რიცხვი ისპობოდა, ხსენებაც ქრებოდაო.

აი, ამ გარემოებამ დასცა თბილისში ქართველობა, ამან შეამცირა აქ ქართველი და ამ გარემოებამ გახადა იგი სამთლით საძებარი, რომ დღეს თბილისში, ქართველთ ხსენება ასე ნატამალობს, თორემ ეს რომ ასე არ მომხდარიყოს, მაშინ, ჩვენ რაღა გაგვიჭირდებოდა, ჩვენს ძველს ოჯახებს რომ თბილისში მამულები შეერჩინათ და თავიანთ მოყმენიც ეძლიერებინათ, დღეს მთელს თბილისში ქართველის ხმა მძლავრათ იქმნებოდა განფენილი. ჩვენდა საუბედუროდ ეს ასე არ იყო, ჩვენ მარტო ჯამასა და გაყიდვას უნდებოდით. ჩვენს განაყიდს სხვები იძენდნენ, ჩვენ კი ხახა მშრალნი და წყალ-წალღებულნი ვშთებოდით.

ქართველი ტომის დაწინაურების შესახებ განსვენებულს ძლიერ უყვარდა საუბარი, ამ საუბრის დროს, მის სიხარულს სახლვარი არ ჰქონდა, სამწუხარო ამბავი კიდევ მასზედ დიდს

ზეგავლენას ახდენდა, მის მწუხარებას საზღვარი არ ჰქონდა. საოცარია ჭეშმარიტად, თუ არ ბუნებითის საშვალებით, ასეთ პირთა საიდამ უნდა ენერგებოდეთ ისეთი უმაღლესი შეხედულება, ასეთი თვისება. მე მიკვირს ისიც ისეთ დროის და თავობის კაცისაგან, რომლის თანამედროვე და თანდაზრდილნი მხოლოდ ქართველთ დაღუპვის და უარყოფლობის გზაზედ იდგნენ, რამ გამოიყვანა ეს პირი ასეთის თვისების და ქართველთ მოყვარეობის, ამის პასუხს გვაძლევს მისი ცხოვრების პირობები, სხვა და სხვა გარემოებანი და განსხვავებანი. გიორგი დავითისძეს ნათლად ჰქონდა წარმოდგენილი ჩვენი ყოველი ავ-კარგიანობა და იგი ამის შესახებ სულ სათითაოდ ჩამოსთვლიდა, უყვარდა საუბარი და მწუხარებით გოდება მასზედ, რამ ქართველისთანა უბადრუკი, წყალ-წაღებული და უბატრონო კავკასიის ტომთა შორის არც ერთი ერიაო.

ჩვენა ვართ რაც ვართ და სულ ჩვენი ბედშავობაო. მოიგონებდეს: ნასწავლი კაცები ჩვენ არა გვყავს, გაჩაღებული მწერლობა ჩვენ არ გვაქვს, ვაჭრობა ჩვენს ხელში არ არის, მეურნეობა, მრეწველობა, მოწინავე დიდი გვარის მთარველი კაცებიც გვესპობიან, მათ მაგიერ მათი უხეირო შვილები სჩნდებიან, შეძლება ჩვენ არა გვაქვს, მასთან დროის შესაფერი მოხერხება, ყველაფერში უკან ვრდომილნი და მერე ეს და ამ გვარი მცონარეობა განა ჩვენ შეგვეფერება? რასაკვირველია არა, მაგრამ უბედურება აქ ის არის, რომ ჩვენ ამ უბედურებიდამ გამოსვლას და თავის დახსნას არცა ვფიქრობთ და არც ვცდილობთ, რომ თავი დავიხსნათ. ყველაზედ საყურადღებოთ კი იგი სახავდა შემდეგ გარემოებას, ამ გარემოების განსამართლად მას შეეძლო მთელი თავის საკუთარი მცნებათა მოსაზრებანი წარმოედგინა. მე აქ ამაზედ ერთობ შორს არ წავალ, მოვიყვან მხოლოდ მის შეხედულებას ქართველთ ტომის ვაჭართა და ვაჭრობის შესახებ, რაც ქართლსა და კახეთშიაც კი მაღლობა ღმერთს, ის უკვე წინ არის წასულიო, აი რას იტყო და ხოლმე კიდევ.

იმერლებს არა უჭირთ რა, მეგრელებმა კარგა ხანია ვაჭრობის ასპარეზედ ნიჭი გამოიჩინეს, ასევე გურულებმა, შავი ზღვის პირას ნავთსაყუდარი ქალაქები მათის რიცხვით არის სავსე, წარმოიდგინეთ, რომ მათ რიცხვს კაცი თვით აღესასა და სხვა ქალაქებშიაც ნახავს, ყველგან შრომის, ვაჭრობის და სააგენტო, საკანტორო საქმეებს მისდევენ, სხვა და სხვა საქონლები მრავლად გაქვათ და შემოაქვთ, ეს კიდევ არაფერი, სანაქებო ის არის, რომ იგინი რუსეთს გარდა თვით საზღვარ გარეთაც მოგზაურობენ, ზოგნი თვით ინგლის, გერმანიას და საფრანგეთშიაც მიდიან. ბაქოს იქით, ბუხარსა. ტაშკენტსა, ავღანისტან და თვით ინდოეთსაც კი მიაღწიეს და ვაჭრობა გამართეს, ჩემის ფიქრით, იტყოდან ხოლმე: ასე წარმატება მათ ზღვის სიახლოვემ შესძლენათ და ევროპიელთ მსგავსა მოსვლამ, ნამეტურ გემებით და ხომალდებით ზღვაზედ მიმოსვლამაო.

მადლობა ღმერთს, მათში მომავლის იმედები სჩანსო, მათ ცხადათ ეტყობათ, რომ ქართველ ტომის ძეთაც არ სძინავთ, მათ მომავლისთვის ლტოლვა აქვთ, ამის ნატვრა და ძარღვის ცემაც მრავლად და მძრავლად უცემთ ჯანში. აქ მხოლოდ ხელის შეწყობა არის საჭირო, პატრონობა, გზის მაჩვენებლობა, მაგრამ საიღამ, ვისგან და რითი, როცა ჩვენ ასეთი კაცება სულ არა გვყავს. აქ ქართველი მდაბიო და შეუძლო თუ ფეხს წადგამს წინა, თუ ის დაწინაურდება და განკაცდება, ეს იქნება მხოლოდ თვით მათზედ დამოკიდებული, მან ეს თავის შრომით, ცდით და მიხვედრით უნდა მოიპოვოს, მას ამაში არაფერ დაეხმარება, მისთვის ცისა და დედამიწის მეტი პატრონი არაფერ არის. მეც თითქმის ასე განვლე ჩემი პირველი ცხოვრების ღღენი და აძე მოვიმკე სამკალი.

განსვენებული როცა ქართლ-კახელთ მდგომარეობას გაიხსენებდა და მას შეადარებდა იმერლებისას, მაშინ აღარ იცოდა რა ექმნა, ჩვენის გლეხკაცობის უბედურებას სულ სათითაოდ ჩამოსთვლიდა ასე: გაგონილა-დაქვითება რომელიმე ტომისა, როგორც ქართლ-კახეთის გლეხკაცობა არის. მთე-

ლი ქართლ-კახეთის გლეხკაცობა სილატაკეში იხრჩობა, მათ სამოსათ სალდათის ფარაჯები გამხდარა, მათი ხელობაც მხოლოდ სოფლის გარშემო ტრიალებს, ქალაქ ადგილებს იგინი შეშის მეტს არას ზიდვენ, მათვის არსად სწავლა არს, არსად სკოლა, არსად მწიგნობრობა, ათასში ერთს ვერ ნახავთ, რომ ქართული წერა-კითხვა იცოდეს, წიგნებს კითხულობდეს. ვაჭრობას და ხელოსნობის ხომ სულ არაფერი შეგნება აქვთ, ასში ერთიც არ სწავლობს და არ ელტვის, რომ ძველ უმეცრებას და სიზარმაცეს თავი დაახწიოს, სოფლიდამ ქარში გავიდეს, გარედ გაიხედოს და ნახოს თუ უცხო ტომის კაცი მათს მამულში რას აკეთებენ. საუბედუროდ, მათ არც არავინ ხელ მძღვანელი უჩნდებათ, რომ ამ მდგომარეობიდან გამოიყვანონ და სხვა გზაზედ დააყენონ.

ჩვენდა სამწუხაროდ ამ მდიდარი ბუნების შვილის ხელობათ სულ უბრალო რაღაცა საქმეები გამხდარა, მაგალითებრ სოფლიდამ ქალაქში ბარგის ზიდვა, რაშიაც ბევრი არაფერი რჩებათ, შრომის ნაცვლად სახლში ნავთიც ვერ მიაქვსთ, შეშის გარდა ან წვანილს ზიდვენ, მაწონს, შვინდს, პანტას და ასეთ უმნიშველოებს, რაზედაც დროც ეკარგებათ და მასთან ვერაფრითაც სარგებლობენ. ქართველი გლეხი, იტყოდა განსვენებული, საქართველოში კვდება სილატაკეში მყოფი, არაფრის მქონე, არაფრის მცოდნე, რაც აქვსთ მონობისაგან გარდარჩენილი, ისინიც ჟამთა-ვიწარების მეოხებით მარჯვნივ და მარცხნივ უხვბოდ ეფანტებათ და ხელიდამ მისდით. ნელ-ნელა ქართველი გლეხი საქართველოში წარმატების მაგიერ დაკნინებას ეძლევა, ბოგანოთ ქცევას! განა სამართალია ესა? განა ამ წოდების მამა პაპებმა მიტომ იტანჯეს თავიანთ სამშობლოში, რომ დღეს მათი შთამამოვალნი მხოლოდ პეპიადა და კაკოთ იქცნენ, განა ეს შესაწყნარისია! და სხვანი. კიდევ ამავე საგანზედ განსვენებულის მოსაზრება.

აბა ახლა თქვენ გადახედეთ ჩვენს სამშობლო, ქვეყნის ასპარეზედ თუ სამუშაო, სამრეწველო და სავაჭრო საქმეები

ვის ეკუთვნის, სულ სხვებს, სულ უცხო ტომის ძეთ, სპარსეთი-
თიღამ, ოსმალეთიღამ და ქურთისტანიდან მოსულებს. მათ კა-
ცისას ჩვენში ვის არ ნახავთ, თბილისში კალატოზიც კი მა-
თია. დურგალიც, მარტოდ დურგლისა და კალატოზის რამდე-
ნიმე ათასი ქალდეველის ტომის ირიცხება. მთელი თბილისი
მათის რიცხვით არი მოფენილი. დურგლისა და კალატოზე-
ბის გარდა მხატვარი და თვით დღაური მუშაც, ნაგვის მზიდა-
ვიც კი მათია, რასაც დიდი არაფერი ცოდნა უნდა, ესენიც
კი ქურთები არიან, ამოდელი ფული, ამოდელი ძალა რაც
კი ამ ხალხზედ იხარჯება, ყველა ეს რიცხვი არის მეტად დი-
დი, მეტად დიდი ფული, მაგრამ ჩვენ რა? ვინც მუშაობს,
იგი შოულობს, ჩვენის ქვეყნიღამ იმის მიაქვს თავის ქვეყანა-
ში, იგინი მაგრდემიან ცხოვრებისთვის.

ჩვენს ქვეყანაში, თბილისში, აღარ არის სადმე ქუჩა, რომ
იქ ამ უცხო პირებს ორორი სახლ-კარი არ ჰქონდესთ, სახლ-
კარს გარდა სოფლის მამულებსაც ყიდულობენ და მასთან ათას
ნაირს ფოდრატებსაც იღებენ. ამათის საშუალებით მთელს
სპარსეთს, ოსმალეთს, ქურთისტანს და სხვაგანაც საქართველო
განთქმულია როგორც მდიდარი, ფულიანი ქვეყანა, მიტომ
მათი რიცხვიც ჩვენს ქვეყანას ასე მრავლად ელტვის, იგინი
ამით არც ტყუვდებიან, აქ დიდ-ძალ ფულს იგებენ და უკა-
ნასკნელ ოქრო ვერცხლით საფსენი უკანვე ბრუნდებიან, იგი-
ნი ისე ახერხებენ ყოველთვის, რომ აქ თავიანთ ბინაზედ თა-
ვიანთ თანამემამულეები მოჰყავსთ და იმათ სტოვებენ, რათა
მათ ძეთა საქმე სხვას არ ჩაუვარდეს ხელში. ასე იღვწიან ჩვენს
ქვეყანაში სხვა ტომის ძენი, ასე წინაურდებიან იგინი თავიანთ
შრომით ჩვენ სამშობლოში და ჩვენ კი, ვაი ჩვენი ბრალი, ლა-
მის ავიბარგნეთ, ქართველი კი თავის კერას მოსჯდომია გარს,
მისდევს მამაპაპურს დუმილს, შიამიტობას და ამის მეოხებით ის-
პობა კიდევ, ქართველი გლეხის სიღატაკე კაცს ცრემლებს
მოჰგვრის, კარგს ქართველს, კარგს მამულისშვილს გულს დაუ-
ქენჯნის, სულს შეუწუხებს, სისხლს აუმღვრევს.

აქ ქართველთ გლეხთათვის საჭიროა მცირეთ თვალის გახილვა, შრომა, ცხოვრებაზე დაკვირვება, სამოქმედო ასპარეზზედ გამოსვლა, გამოდგას ფეხი დღიურ მუშის გზაზედ, საკლასტოზოდ, ხეზე მომუშავეთ, რკინისა, თუჯისა და სხვაათას ასეთებზედ, მცირედ შეიგნონ მეურნეობაც და მე დარწმუნებული ვარ, რომ ამით იგინი თუ ძალიან მაინცა და მაინც წინ ვერ წავლენ და დრო გვიანაა და შიტომ იგინი ვერ გამდიდრდებიან, დღიურ საზრდოს მაინც იშოვნიან, ავადტყოფობის და გაჭირვების დროს წამლის ფული მაინც ექნებათ. ხშირად უმკურნალოდ და უწამლოდ არ მოისპობიან და ხშირათ მცირე რამ გროშების მეოხებით სხვების ყმა, მოვალედც არ გახდებიან. იტყოდა ხოლმე, რომ ყოველი ქართველი, განათლებული თუ მცირე ნასწავლი, ქალი, თუ კაცი, მღვდელი თუ ბერი, თავადი თუ აზნაური, მოვალეა, რომ ქართველ გლეხებს ეს შეაგნებინონ, ასწავლონ მათ კარში გასვლა, შრომა და მეცადინეობა, რომ მათ მამა-პაპისაგან სისხლით მორწყულს მამულზედ მათ ექმნეთ უპირატესობა, იგინი იყვნენ ყველა საქმის, ყველა ხელობის მუშაკნი და ხელოსნები, ყველა თუ არა ზოგი სავაჭროები მაინც მათ ეკუთვნოდესთ, ქართველი მწერლები და მამულისშვილები აი მაშინ გადიხდიან თავიანთ ზნეობრივ ვალს, როცა ქართველ გლეხს გვერდში ამოუდგებიან და სოფლის საქმეებს გარეშე ქალაქ ალაგას გასვლას და მუშაკობასაც ასწავლიან, თურემ მთელი ჩვენი ქვეყნის სამუშაო ფული უცხო ტომის თათრებს და სომხებს გააქვსთ უცხოეთში და ჩვენ კი შემოვსხდომივართ ჩვენს კერასა და ქვევრებსა და „ჭარალესა და თარალეს“ ვიძახით.

ერთხელ სიტყვამ მოიტანა ქართველი გლეხის შვილების წინ სვლაზედ, ვაჭრობის ასპარეზზედ გამოსვლაზედ და წარმატებაზედ. სხვათა შორის მე მოვახსენე, რომ ამ უკანასკნელ წლებს, თბილისში ქართველთ მდაბიოთაგან ხმამ უკვე იჩინა თავი ყველა დარგის ასპარეზზედ, მაგალითებრ, არ დარჩა არც ერთ ერთი სახელოსნო და სავაჭრო ნაწილი, რომ მასზედ ქართ-

ველთ მდაბიო არ სჩანდეს. თითქმის დღეს, ყოველ ქუჩაზედ მოიპოვება ქართველი მეწვრილმანე, მიკიტანი, სირაჯი, მებაშების მაგიერ კარგი ხარშოვნიკები გაჩნდნენ, სასტუმროების პატრონები, საჩაიებოსა და ზოგნიც სხვა იშვიათ სავაჭროებისა. ერთხელ გაზეთ „დროებაში“ ერთი დაბეჭდილი წერილის გამო მე ვსთქვი, რომ ყველა ეს მოვლენა ჩვენ ცხად საბუთს გვაძლევს, რომ ქართლ-კახელთ მომავალზედ იმედი ვიქონიოთ. ყველა ეს უტყუარი კვშმარიტება არის, რომ ქართლ-კახეთიც გამოდის შრომის და თვალხილულობის ასპარეზედ და წარმატებას ეძლევა. ვგონებთ ამის უარ ყოფა არ შეიძლება, ვგონებთ რომ ამაზედ ყველა დაგვეთანხმება, იმედია რომ ჩვენ ყოველ წელს და თვეს წინ წავალთ და ის რაც წინეთ არ ვიცოდით, იმას ხვალ და ზეგ შევისწავლით. ასეთ წარმატების შესახებ გიორგი დავითის ძემ შემდეგი თავის სიტყვა წარმო-სთქვა, რომელსაც მე მოვიყვან აქ, მოვიყვან აქ ისე, როგორც მე მახსოვს და კარგათაც ვიცი. უნდა მოგახსენოთ, ქართველთ შორს ძველადგანვე, უბრალო მებაშეებსა და ხელოვნებს გარდა, სხვებიც იყვნენ, მაგალითებრ შემჩნეული ვაჭრები, ხელოვნები და სოედაგრებიც, ამათი რიცხვი საქართველოში ძველადგანვე არსებობდა, მათ რუსობის პირველ წლებსაც მოალწიეს და უნდა ითქვას, რომ იმ დროს მათ უფრო მეტი შნო უნდა გამოეჩინათ, მეტი სახსარი და ძალა როგორც ვაჭრობის ასპარეზედ, ისევე ხელოვნობისაზედაც, მაგრამ ჩვენდა სამწუხაროდ ეს ასე არ მოხდა, იგინი წარმატების მაგიერ მოსპობას მიეცნენ და უკანასკნელ ისე გაქრნენ, რომ XIX საუკუნის ნახევარს, მათი ხსენება სამთლით საძებარი შეიქმნა, თორემ ვგონებ, ყველა ჩვენთაგანმა კარგად უნდა იცოდეს, რომ საქართველოს მეფეების დროს, თბილისში და სხვა დაბა-ქალაქებშიაც ქართველთ მოქალაქეთ და ხელოვანთ რიცხვი არსებობდა, იგი მცირე არ იყო, მაგრამ როგორც ვსთქვით, ჩვენს დროში იგინი მთლით მოისპენ და მათ მაგიერ საქართველოში სხვები გაჩნდნენ. სხვებმა გაიმაგრეს ფეხი, ეს უძლურება ქართველთა

ჩამდენადაც უცხო შეძლებულ ვაჭართა ჯიბრით მოხდა, იმა-
ხედ მეტად იმ გარემოებისგანაც, რომ ქართველ ვაჭარს და
ძის ხელ ქვეითს, ანუ პრიკაშიკს (ნოქარს) არ ჰქონდათ ურ-
თი ერთშორის მოვალეობის შეგნება, ცოდნა, ერთმანერთის
შენახვა, გატანა, ერთმანეთითვის გულის ტკივილი.

ჩამდენი მაგალითი ვიცი, ჩვენს თბილისში, რომ ქართ-
ველი მიამიტი ვაჭარი მიენდო თავის მემამიტს და გამოუცდელს
პრიკაშიკს, მას ჩააბარა ყოველივე, მის გამგეობის ქვეშ მო-
ამწყვდია ყველა ქონება და აღებ-მიცემის საქმე, თვით უზ-
რუნველად სხვაგან წავიდა, სხვა დიდს საქმეს ეჭიდებოდა, ეგე-
ბა სხვა უკეთესიც დავიჭირო რამეო, ისკი არა, იქ მან ვერა
აილორა, ცდა მაინც ცდაც დაუშთა და მცირე გამოწრთფ-
ნაც მიეღო, მაგრამ უხედურება ის არის, რომ ამ პირს, თა-
ვის ქართულის მემამიტობით, ვიდრე შინ დაბრუნდებოდა, მი-
ნამ მისმა მემამიტ ქართველ პრიკაშიკმაც მისი სავაჭრო გაფ-
ლანგა, ახალგაზდობის, გამოუცდელიობის და ქარათშუტობის
შეოხებით ყოველივე დაამხო და თანტია ქართველ ნოქარ-
მა თანტიობის სრული სახელი დაიმკვიდრა. ვინც აიყოლიეს
და ვინც გააბრიყვეს იგი უკანასკნელ თვით ესენივე დასცი-
ნოდნენ და „ტუტუც ვრაცის“ ეძახდნენ. ასე და ამ გვარად
ჩვენის უხეირობის მეოხებით, ერთს ალაგას მოისპო ძველი
ქართველი მოქალაქე კაცის აღებ-მიცემის საქმე, ვაჭრობა, დუ-
ქანი და მის მაგიერ ჩამოსახლდა სხვა ტომის კაცი და მან
დაიწყო აღებ-მიცემა და ვაჭრობა, აბა ერთი ბრძანეთ, ვინ
უნდა იყოს ამაში დანაშაული და ბრალ სადები, რასაკვირვე-
ლია ჩვენა, ყოველივე ჩვენი ბრალია და ჩვენის უჭკუო მოქ-
მედების.

ქართველთა შორის მაშ რამ უნდა დააყენოს ფეხებდ
ვაჭრობის საქმე, რა უნდა იყოს მის უმთავრეს სახსრათ გამხ-
დარი? გვიკითხავს ხოლმე გიორგი დავითის ძისათვის და მას
არა ერთხელ ესეთი პასუხი მოუცია ხოლმე: მე არ ვიტყვი,
რომ ქართველ ვაჭარის ქვაკუთხედ საქმეს მარტოდ ვაჭართ და

მათ პრიკაშიკთა ურთი ერთ შორის კარგი კავშირი შეადგენდეს, გულ-მტკინველი ცხოვრება და სხვანი, არა, ამაზედ უმთავრესი სხვებია და ერთი ამ უმთავრეს მუხლთაგანს ესეც შეადგენს.

ქართველი ვაჭარი და პრიკაშიკი ერთ შეერთებულს სინი-დისიერს ძალას უნდა წარმოადგენდეს, უპირველესად მათ უნდა სწამდეთ, რომ იგინი ქართველის ტომის შვილები არიან და მასთან საქართველოში სცხოვრობენ, უნდა იცოდნენ, რომ თუ არ შეერთებულის ძალით და მამულის შვილურის თანხმობით უამათოდ ქართველთ შორის ვაჭრობის საქმე ვერ დაწინაურდება, ქართველთ ვაჭრობა ფეხს ვერ აიდგამს. მათ კარგათ უნდა ჰქონდეთ გათვალისწინებული ის გარემოება, რომ ქალაქ თბილისში არ მოიპოვება ერთი ქართველის კარგი ბაზაზის მალაზია, კარგის კუპწის, მერკინესი, ევროპიელთ ტანისამოსის გამყიდავთა ხომ ხსენებაც არ არის, მთელ თბილისში ღიდრონი ბაკალეინის მალაზიები, ტყავის ქარხნები და ევროპის ერთა სხვა და სხვა ნივთთა მალაზიები და ბევრიც სხვანი, ენით მოუთვლელნი.

ყოველივე ახლა სჩნდება ქართველთ შორის, ეხლა ეუძნდება და ამ ახალ დამფუძნებულთ შორის თუ არ იქნება ერთმანეთის ცნობა და შეგნება გამტკიცებული უამისოდ ყოველივე ამაო იქნება, ნათქვამია: — „ურის პური ჯამე და ურის ხმალი მოიქნიეო.“ ჩვენი ქართველი ნოქარიც ასე უნდა მოიქცეს, იგი რაკი ქართველ კაცს ემსახურება და მან იცის ის გარემოებაც, რომ ორივენი ერთ განსაცდელში არიან მოთავსებულნი, ამიტომ ნოქარმა სულით და გულით უნდა ემსახუროს და არას დროს არაფერს საქმეში თავის უფროს არ უღალატოს. მისი უფროსის ფეხზედ დადგომა, ვაჭრობით და დოვლათით დაწინაურება იქნება სახსარი თვით ნოქრის მომავლის ცხოვრების, მის განმტკიცების, ფეხზედ დადგომის და დაწინაურების.

ნათქვამია: „გული გულს იცნობს და სული სულსაო“

მათაც ასევე უნდა იცოდნენ ერთმანეთის ავი და კარგი, ქართ-
ველ ვაჭარს და მის პრიკაშიკს კარგად უნდა სწამდეთ, რომ
თუ არ შეერთებულის ოსტატურის ძალით, სიმართლით და
შატოსანის თავ-დაჭერილის ცხოვრებით და ხარჯვით, უამი-
სოდ მათი საქმე და აღებ-მიცემა წინ ვერ წავა. ბევრ ალაგას
მომხდარა და მოგვივა კიდევაცა: რომელიმე ქართველ კაცს
ვაჭრობა კარგად წასვლია, მას ჰყოლია შესანიშნავი პრიკაში-
კი, ეს პრიკაშიკიც მისთვის მეტად ხელ-მარჯვე ყოფილა და
კარგი მშრომელი და მცდელი. ასეთის პირის მეოხებით ვა-
ჭარის საქმე ფეხზედ ყოფილა დაყენებული, მაგრამ არ გასულა
დიდი ხანი, რომ ქართველ ვაჭრის კარგი აღებ-მიცემა ზოგი
ერთ უცხო ვაჭარ მტრებს დიდათ შეშურებიათ, ქართველი ვაჭ-
რის პრიკაშიკს შესჩენიან, დაუწყებიათ მისთვის ლაპარაკი,
უკანასკნელ აუყოლებიათ საქეიფოთ და უფროსის ჩუმათ მრავალ
ალაგას ფული უბრალოდ უხარჯენებიათ, რაის გამო უკან-
ასკნელ პრიკაშიკიც გაჭირვებაში ჩავარდნილა და გალორე-
ბულის მუცლისა და ჯიბისათვის ჯამაგირი აღარ ჰყოთნია, მე-
რე უფროსის დახლიდამ დაუწყებია ქურდობა. რაკი ერთხელ
სავაჭროში მრუდე ხელი დატრიალდა, მერე მშვიდობით, იმ
სავაჭროში საქმე ერთობ უკულმა წავა, ამის მოწმები არიან
ვაჭართ ცხოვრების წარსული, აწმყო და მომავალაც, ბევრი
მაგალითებით ვიცით, მაგრამ ყველას მოთვლა საჭირო არ არის,
მომხდარა და ეს მოხდება კიდევაც იმ დრომდე, ვიდრე ჩვენ
ჩვენს ვალს არ შევიტყობთ.

ქართველ ვაჭართან შეგირდათ ყოფილა ვინმე ტეტიათა-
განი, აქ ეს ტეტია დავაჟაკებულა, აქ უსწავლია წერა-კით-
ხვა, ანგარიში და ვაჭრობა, აქ მას უფროსის სახლობა ისე
უმზერდა როგორც მათ შვილს და ამიტომ მისთვის ურეც-
ხავთ სარეცხა, უკერიათ ყველაფერი, ერთის სიტყვით დიდი
მზრუნველობა გაუწევიათ. რაც ხანი გასულა შაგირდისთვის
უფრო მეტი პატივი უციათ, შაგირდსაც კარგად უმსახურნია.
უკანასკნელ შეგირდობიდან ნოქრობაზედ „ანუ პრიკაშიკო-

ბაზედ“ გადასულა. ბოლოს თავის უფროსის მალაზიაც მას ჩავარდნა ხელში და საქმეებიც უწარმოებია კარვად, გასულა რამდენიმე ხანი და ეს ნაამაგდარი და პურ-მარილით გასდილი ნოქარი თავის უფროს გაორგულებია, სხვათა მეოხებით მას დაუვიწყნია თავის უფროსთან ყოფნა, ზრდა, პატიოსნობა, კაცად ქცევა და სხვანი. ოსტატურ რჩევის მეოხებით გადამტერებია თავის მეპურმარილედ და ნაამაგარ უფროსად ყოფილს და მის გვერდით იმავე ნივთის მალაზია გაუხსნია, მით იგი თავის უფროსად ყოფილს ჯიბრში ჩასდგომია და ამ ჯიბრით გაუხარებია მისი მტრები, რასაც უკანასკნელ რასაკვირველია კეთილი არა მოყოლია რა, საბრალო ქართველი ვაჭარი თავისავე ქართველის პრიკაშიკის ქიშპობით და მტრობით დედა-მიწილამ აღგვიღა. ამის შნო აქვსთ ქართველებსა და ქართველმა თუ ვისმე მოატყუა, ან დასცა, ან ჯიბრში ჩაუდგა, ის უსათუოდ ქართველს, რადგანაც ქართველი ისევ თავის ძმის დამლუპავი მტერია, თავის ტომის, თავის სახლ-კარის და ოჯახ-ნათესავეების, სხვის წინაშე იგი ვერაფერს ძალას გამოიჩენს, ვერაფერს მახვილს. ამაზედ ნათქვამია გარედ მხდალი შინ ძრიელი, მტრის არ მცნობი, მოყვრის მგმობი, უზრუნველი და ძრიელი.

ვიდრე ქართველთ უფროსს ვაჭართ და მათ ხელ-ქვეით შორის ასეთი შეუფენებლობა იქმნება, ვიდრე იგინი ერთნაირის მამულისშვილობით არ გაიმსკვალიან და ერთმანერთის კირი და ლხინი კარვად არ ეცოდინებათ, ერთმანეთისთვის გული არ შესტკივათ, უამისოდ ძნელია, რომ ქართველი კაცის აღებ-მიცემა სხვას გაუმკლავდეს, ვაჭარ-კაცს თავის სააღებ-მიცემა საქმეებში თუ გულშემატკივარი პირი არ ჰყავსთ, უამისოდ ძნელია, რომ მისი საქმე წინ წავიდეს. აბა შევხედოთ სხვებს, სხვა ტომის ვაჭრებს და მათ ხელ ქვეითებს თუ როგორის შეერთებულის შეთანხმებით ცხოვრობენ, როგორის გაერთიანებულის ჰაზრით მოქმედებენ, როგორ მიჰყავსთ თავიანთი აღებ-მიცემის საქმე წინ. ამისთვის ძრიელ შორს არ წავალთ, დავასახელებთ თუნდ ჩვენს მოძმე სომხებს, აბა შეხედეთ როგორ

იქცევიან ვაჭრობის ასპარეზზედ, ერთმანერთს როგორ ეხმარებიან, ყოველ პრიკაშიკს თავის უფროსის კარგი ვაჭრობა თავის საკუთარ სახსრად-სიამოვნებად მიაჩნია და უვაჭრობა და უკანვრდობა კიდევ თავის მწუხარებათ. ერთს მეორის სიკეთე ახარებს, მწუხარება აღარღებს, მათ კარგად იციან, რომ თუ არ ასეთის შეერთებულის ძალით, უამისოდ მათი წინ ვერაფერი წავა და კიდევ ეს შეგნება არის, რომ იგინი ასე კარგათ მიდიან წინა და წარმატებას ეძლევიან. მთელი სომხის ვაჭრობა ერთს მტკიცე და დაურღვეველს ჯგუფს წარწოადგენს, ერთ ცხოვრების ძალას და სახსარს.

მხოლოდ ჩვენ ქართველები ვართ ასეთ დარგს მოკლებული და უბედურნი და ვიდრე ამ მოვალეობას არ შევიგნებთ, მინამდის ქართველთ აღებ-მიცემის ასპარეზზედ ბევრი ზნევა და უბედურება მოხდება თვით ქართველთაგან ქართველთავე წინაშე. ამისთვის სხვისი მტრობა ჩვენთვის საჭირო არ არის, კმარა დავასახელოთ ჩვენი მტრობა, ჩვენი არეულ-დარეული მდგომარეობა და შფოთები. ამაზედ მეტი ჩვენ აღარა სენი გვინდა რა, ძველად ქართველი ქართველთან ვაჭრობას ამხანაგობას მთელ სიცოცხლეს ატარებდნენ 30—40 წელიწადი ერთად იყვნენ და დღეს კი ორს ქართველს I წელიწადს ვერ ამყოფებ ერთად ამხანაგად, ორს თუ მესამე და მეოთხე ამხანაგიც მიუმატეთ იქ ხომ ყოველივე საქმე გაფუჭდება, წახდება და უკანასკნელ სიკეთის მაგიერ ერთმანეთს ისე გადაეკიდებიან, რომ ვგონებ სისხლის ღვრაც კი აღარ დაიშურონ.


ასეთი მაგალითები ჩვენ ერთობ ბევრი გვინახავს და უეჭველია ბევრს კიდევ ვნახავთ. ქართველი ქართველთან ვერ თავსდება, ხუთ ქართველს ერთად ვერ შეუყრი თავს და ერთს საქმეზედ ვერ ამოქმედებ. ერთად ვერ აფიქრებიანებთ.

აი ასეთის შეხედულების იყო გიორგი დავითის ძე ჩვენი აღებ მიცემის საქმეზედ და ვგონებ, იგი როგორც ამ დარგში დაბადებულ, გაზდილი მართალიც გახლდათ და ყოველივე სიმართლეს ამბობდა, ხოლო მის მარად მოსაგონარ

ნაამბობ და შენიშვნებიდგან ეს აღწერა შევადგინეთ და ვგონებთ, რომ იგი უმნიშვნელო არ უნდა იყოს. იგი ბევრს რამ საყურადღებო მხარეებს ღალადებს ქართველის კაცის ქკუსისას დასულიერის მხარეების შესახებ, ამ საგნის შესახებ ეს საუბარშიც კმარა და ვგონებ ქართველთ ვაქართა და პრიკაშიკთათვისაც ეს კაი საუწყებელი დარიგება უნდა იყოს. გიორგი დავითის ძის მშობლები, როგორც ვსთქვით თავის დროის პირნი ყოფილან და შესაფერის ქართულის ღირსებით დაჯილდოვებულნი. ასე თუ ისე, მშობლებისაგან, თუ სხვა პირების მეოხებით, გიორგი დავითის ძეს საქართველოს ერის სიყვარულს, ქართული ენის და მწიგნობრობის როგორც ზემოთაც ვსთქვით აღრიდგანვე შესჩვევია, აღრევე ჩანერგია გულში და აჰყვავიოებია. მისი მამულისშვილოჰა, მისი სპეტაკი და თან მისაბაძავი ადამიანური პატივის ცემა იყო უმაგალითო, ქართველის კაცისაგან საქები და სავალდებელი, რამდენი ამაზედ უფრო წარჩინებულ გვარის შვილები იყვნენ ჩვენში და ღიდი ჩინისა და ორდენების კაცები, მაგრამ მათ საქართველოს სიყვარულის სხივების გიორგი დავითის ძის მეთაღიკარ ჰქონდათ გულში ჩანერგილი. გიორგი დავითის ძე როგორც ახტაცებულის მამულისშვილობითაც იყო დაჯილდოვებული და აღფრთოვანებული, იგი თავის წრეშიაც ასეთ კაცებს ეძებდა, ასეთ კაცებს მეგობრობდა და ბევრს ისეთ პირებსაც რომელთაც მისის მამულისშვილობის არაფერი ესმოდათ, არაფერი გაეგებოდათ, მაგრამ აჰას იგი არ უშინდებოდა და მიტომ თვით ასმენდა მათ და უწინასწარმეტყველებდა სავალდებულო მამულის შვილობით. გიორგი დავითის ძე მე გავიცანი 1879 წ. შემდგომ მის მე მათ ქართული წიგნებით ხშირად ვხლებივარ. 1882 წ. მან ჩვენს მაღაზიაში მოიყვანა მდიდარი ემ—ვი, სომეხი და რამდენიმეც სხვანი და ქართული წიგნები აყიდინა, თან ასე უთხრა მათ:

37251

— აი წიგნები, აიღეთ და იკითხეთ, თქვენ იმას უყვით, რომ სომეხები ვართ და ქართული წიგნები რად გინდათ.



თქვენ ისა ბრძანეთ, რომ ეს წიგნები კარგი წიგნებია, კაი საკითხავი, თქვენც ხომ ქართული ლაპარაკი და წერა-კითხვაც კარგად იცით. წაიკითხეთ და ისიამოვნეთ.

ასეთის საუბრით გიორგი დავითის ძემ რამდენიმე მდიდარ ვაჭრებს ქართული წიგნების კითხვა შეაყვარა. იგი როგორც მხნე იყო ასეთ პირებში, ასევე იქცეოდა თვით მდაბიო პირებშიაცა და ყოველთვის სულით და გულით აღვსილი ეტანებოდა ქართულ წიგნებს, აი მაგალითები: მე თვით კარგად მახსოვს, რომ იგი ჩვენგან სახალხო წიგნებს ოცობით ყიდულობდა, ხოლო სად მიქონდა იგი, ვის აძლევდა, ეს მე არ ვიცი, არ მიკითხავს ამაზღდ რამე და ცხადია, რომ იმ წიგნებს იგი აქა იქ მდაბიო ქართველთ ურიგდება, ამის სინამდვილე დამტკიცდა მაშინ, როცა მე 1889 წელს ქართველ მაჰმადიანთვის სახალხო წიგნების ბეჭდვა დაიწყო. ამ საქმეს გიორგი დავითი ძემ დიდის პატივის ცემით შეხედა, დიდის სიხარულით და მე დიდი თანაგრძნობის წერილიც მომწერა, და აქო და აღიდა ქართველთ მდაბიო შორის ქართული წიგნების ვრცელების დასაწყისი. სამწუხაროდ ეს წერილი დავკარგე, თორემ აქ მთლად მოვიყვანდი.

ქართული მწიგნობრობის ასპარეზედ გიორგი დავითის ძე იცნობდა ყველა მოღვაწე და მწერლებს, ნამეტურ დიდის პატივის ცემით ეპყრობოდა და ბაქრადეს და მასთან კარგი მეგობრობაც ჰქონდა, ხშირად დადიოდნენ ერთმანეთში და ყოველთვის ქართულს მწიგნობრობაზედ ჰქონდა საუბარი, გიორგი დავითის ძეს ძრვიელ უყვარდა თამარ მეფის ხანაზედ საუბარი და დ. ბაქრადესთან ხშირად ამაზღდ ლაპარაკი. დ. ბაქრადეს გარდა მეტის პატივის ცემით ეპყრობოდა: ილ. ჭავჭავაძის სახელს, აკაკის და ბევრიც სხვების, როგორც მწერალ-მოღვაწეებისას, ისევე რედაქტორებს, გამომცემლებს და საზოგადოთ ყველას ვინც კი ქართული მწიგნობრობის ახლოს იდგნენ, მის გარშემო სტრიალებდნენ. არც ერთი კითხვა მწერლობაში აღძრულია გიორგის არ გამოეპარებოდა. იგი კარგად იცნობდა ჩვენს სიტყვა-კაზმულს მწერ-

ლობას, როგორც ძველს, ასევე ახალს, იცოდა კარგად მთელი ჩვენი ახალ მწერლობის აღორძინების ისტორია. იცოდა კარგად ყოველი მწერლის საუკეთესო და მდარე ნაწერიც, ძრიელ მოსწონდა იკ. გოგებაშვილის, „რანი ვიყავით გუშინ“ და სხვანიც ამ გვარნი. ქართულს ენაზედ არც ერთი დრო გამოცემა არ გამოსულა, რომ იგი მას გაწერილი არ ჰქონიყოს, თითქმის ყველა გამოცემას იბარებდა, მასთანვე საქართველოში ისე სადმე ქალაქში რამე წიგნი არ გამოვიდოდა, რომ იგი გიორგი დავითის ძეს სიამოვნებით არ შეეძინა და მასთან არ წაეკითხნა, იგი რასაც კი იბარებდა ჟურნალს, გაზეთს, წიგნს და ან სხვა რამეს, ყველას ფურცლავდა, ყველას თვალთ-ყურს აღევნებდა. სადაც უნდა შეხვედრიყავით იგი ყველგან მწერლობაზედ და ჩვენ ცხოვრების კითხვებზედ საზოგადოდ ჯეროვან პასუხს მოგიგებდათ.

როგორც მწერლობის და მის აღორძინებას-იგი ისევე დიდის ახტაცებით უმზერდა ქართული თიატრის აღორძინების საქმეს, 1878 წ. ქართული თიატრის დაფუძნების საქმეს დიდის სიხარულით შეხედა, მაშინ თეატრის ბილეთებს აქა იქ სახლებში ვგზავნიდით, ხან მეც კი მიმქონდა, ასევე უგზავნიდით გიორგი დავითის ძეს და უნდა მოგახსენოთ, რომ იგი არც ერთხელ თიატრის ბილეთს უკან არ დააბრუნებდა, ეს როგორც სხვა იმ დროის ქართველებმა იცოდნენ. გიორგი ბილეთის ხვედრი ფულის მაგიერ მეტსაც იხდიდა ხოლმე და წარმოდგენასაც თავის დღეში არ დააკლდებოდა. რაც შეეხება მოთამაშეთა პატივისცემას ესეც ხშირად იცოდა და შეუდარებლადაც. იგი თავის შეძლების დაგვარად ყველა მშრომლის ნიქსა და პიროვნებას აფასებდა, ყველას პატივისცემდა და ამიტომ იგი თავის სახლში ხშირად მართავდა ნადიმებს და ჰპატიჟობდა ყველა ქართველ მოღვაწეებს, თიატრის მოთამაშეთაც და სხვათა ცნობილ ქართველთაც.

გიორგი დავითის ძე დიდს ყურადღებას აქცევდა აგრეთვე უცხო გამოცემებსაც, სადაც კი ქართველებზედ რამე

ცნობები იბეჭდებოდა. დიდის პატივით ეგებებოდა აგრეთვე იმ უცხო შწერალთა და მოგზაურთაცა, რომელნიც კი საქართველოს შესახებ რამეს დასწერდნენ და იქ ქართველობას ასე თუ ისე მოიხსენებდნენ; აგრეთვე დიდს ყურადღებას აპყრობდა საქართველოში უცხო მოგზაურებს. ვინც კი აღმოსავლეთის ერთა ისტორიის მცოდნე მოგზაური მოვიდოდა თბილისში და იგი ქართველთა გაცნობას ისურვებდა, იმას არ შეიძლებოდა, რომ გიორგის სახლში პურ-მარტი არ ენახა და ქართველი კაცის გული არ გაეცნა. ამ პირის მხრივ უცხოელთა წინაშე მარტოდ მოწვევა არ იყო სავალდებულო საქმეთა განხდარი, ესევე პირი ამავე უცხო პირებს მიართმევდა ხოლმე ყველა უცხო ენებზედ დაწერილს საქართველოს შესახებ წიგნებს, რითაც უცხო მოგზაურთაგზა და კვალს გაეხსნებოდათ ქართველი ერის ცხოვრების და ისტორიის შესაწავლის საქმეში.

ასეთ პირთა გამასპინძლებასაც არა მარტო შექცევის გემო აქვს, არამედ მამულ-სშვილური. აღვილი საქმე არ არის, კაცმა და ი იც კარგად მოწყობილმა ვინმემ უცხო მოგზაური ისტუმროს თავის სახლში და მას შესაფერათაც გაუმასპინძლდეს, გამასპინძლების ხარჯიც რომ იქით გადავსდოო, მარტოდ დრო ღირს ერთ რაზედ და საქმედ, ეს არის უმთავრესად აღსანიშნავი და ყველა იმ დათმენათა გარემოებანი, რაც კი კაცმა უცხოს პირის წინაშე უნდა გამოიჩინოს. გამოიჩინოს და ისიც თავის ნებით, ამისთვის მას არავინ იას აწუხებდეს და ყოველთვის და ყოველგან ასეთ სამამეულო საქმისთვის როგორც მზად იყოს ერთი პირი ოჯახისა, ისევე მეორე მესამე და თითქმის მთელი ოჯახი ერთის შეთანხმებულის მამულისშვილობით ივენენ აღვსილნი და თანა-მომხრენი.

მაგალითებრ ასეთი იყო თვით გიორგი დავითის ძის პეუღლე თამარ სოლომონის ასულიც, როგორც ქმარი, ისევე ცოლი, თვითქონს ბუნებას ერთის ადამიანურის თვისების დაებადნა, ერთის შეხედულების საქმესა და საგანზედ, ეს მანდილოსანი

იყო სახე იმ დიდებულ ქართველ დედებისა, იმ დიადის დედაკაცობისა, რომელთაც მემკვიდრეობით მშობელთაგან ღირსებათ მოსდევდათ დიდა კრძალულება, სათნოება, დედათ დედობა, ადამიანობა, ყველგან და ყოველთვის მაგალითობა ხელსაქმით, ჭრით, კერკით, ხარშვითა, რეცხვით და უაღრესად ქართული წიგნების კითხვით, ეს მანდილოსანი ბურჯი იყო გიორგის ოჯახისა და თან კიდევ საუკეთესო, საშაგალითო ადამიანი ქართულის ოჯახის, თამარ სოლომონის ასული საშაგალითოდ უნდა ყოფილიყო ჩვენი ქალების წინაშე, იგი იყო მისაბაძი და მაგალითი ყველასი, შინაურს საქმეებს და კეთილ საქმეთა თვისვის გარეშე, რომლის აღწუხსვა ერთობ ძნელია, იგი იყო ქართული მწიგნობარიც, მოყვარე ჩვენის ისტორიისა და ძველის მწერლობისა იქამდე, რომ მან იკისრა და თავის ხარჯით 1889 წ. დასტამბა მოსე ჯანაშვილის მიერ დაწერილი საქართველოს ისტორია. ამ წიგნის შესავალი დანიშნულ იქმნა საზოგადო საქმეთა მოსახმარად.

ასეთი აღმატებულის იყო თამარ და იგი ამ აღმატებულებით უდიდესად ათენდა და აბრწყენდა არა მარტო ქრმის ოჯახს, შვილების აღზრდას და ადამიანურს დედობას, არამედ იგი თავის შეძლების დაგვარად დიდის პატივით და სიბრძნულით უმზერდა ქართველ გაჭირებულ ქალთა მდგომარეობასაც, საქართველოში ქართველი ქალი ყოველის დარგით სხვა ტომის ქალებზედ ერთობ მაღლა სდგას, მას ბევრი რამ შეუდარებელი ღირსება აქვს, მაგრამ ჩვენდა საუბედუროდ იმავ დროს, იგი დამდაბლებულია პირადის უფლებათა მხარეების პატივისცემის სიბრალულით, მათი მფარველი და მომხრე საქართველოში დაიშვიათებულია. ამ იშვიათობას თამარ სოლომონის ასული კარგად გრძნობდა და იგი თავის შეძლებით და საქმით ყოველთვის მალამოსავე ევლებოდა ქართველ გაჭირებულ ქალთა ცხოვრებას და გარემოებას. ასეთ გაჭირვებულ ქალებზედ მას ბევრი ამაგი აქვს დათესილი და ჩვენ სრული მოიმედე ვართ, რომ იგი არას დროს არ დაიკარგება.

მის გახსენებას ჩვენში არაფერ დაიდუმებს, ეს მანდილოსანი გარდაიცვალა 1899 წელსა ქ. თბილის, 50 წლის მიღწეული, მისი გარდაცვალების ამბები იმ დროის ქართულს გაზეთებშიაც იქმნა მწუხარებით ანუხსული. იგი დაასაფლავეს დიდუბის ტაძარში. სადაც აღრიდგანვე იქმნა დანიშნული მათი დასაკრძალავი სამარე. ამ ადამიანის გარდაცვალებამ ზეტად დიდი ზეგავლენა იქონია გიორგი დავითის ძეზედ და მის შემდეგ აღარც ამ პირმა იცოცხლა დიდ ხანს.

როგორც ეს მანდილოსანი გახლდათ, უნდა მოგახსენოთ, რომ მასზედ უალრესს თვისების იყო გიორგი დავითის ძეც ასეთ საქმეებში თვით გიორგი დავითის ძეც დიდათ ეხმარებოდა ქართველ გაჭირვებულთ ცხოვრებას, ეს მოხდებოდა ისე, რომ მარჯვენა ხელის განაღები მარცხენამაცკი არ იცოდა. სამთელი თავის გზას არ დაკარგავსო, რა საჭიროა, რომ ამას ამბები აქეთ იქით იცოდნო. ძნელად, რომ გიორგისთან ვინმე ქართველი გაჭირვებული მისულიყო, მას დახმარება ეთხოვნა და გიორგისაგან კი რამე შემწეობა არ მიელო. ეს შეუძლებელი იყო და იგი არას დროს და არსად და არავის გაისტუმრებდა ხელ-ცარიელს. იგი ყოველ გაჭირვებულ ქართველის ხილვით დიდათ სწუხდებოდა, მას სრული მწუხარება მოიცვავდა, თავით-ფეხამდის ქართველი კაცის სიღარიბე და გაჭირება შეიპყრობდა. არა მგონია, რომ სადმე გამოჩნდეს ვინმე და გიორგი დავითის ძის ასეთი თვისება და სიბრალული უარი ჰყოს, ნაცვლად ამის ჩემს საუბარს მრავალნი თვით ამისაგან ნამოქმედარის ცნობებითაც დაასაბუთებენ.

როგორც ადამიანი, კაცად კაცი, გიორგი იყო ნამდვილი სახე, ნამდვილი ადამიანი, ძნელად, რომ მისგან სადმე ვისმეს რამე სწყენოდეს, დიდის, პატარის, ქალის, თუ კაცის მას დიდი თავაზი, დიდი პატივი ჰფლობდა, ამის არამც თუ გარეშე პირებთა შეუძლიანთ დასაბუთება, არამედ შინაურებსაც, სადაც მასთან შინაურ მოსამსახურეებს, მახლობელთა, ნაცნობთა და მეგობართა დიდის ხნობით უცხოვრიათ, მაგ-

რამ გიორგისაგან ერთი უბრალო წყენაც კი არ უნახავთ, ერთი სიტყვა, საყვედური, დამდურება. არა მგონია, რომ მთელს საქართველოში მოიძებნოს ისეთი პირი. რომ მას გიორგი დავითის ძისაგან რამე საწყენი სიტყვა, ამგვარი რამ საქმე ახსოვდეს. თვით მის მუშაკნი და ხელოსნები დაამტკიცებენ გიორგი დავითას ძის ასეთს ღირსებას, თვით იგინი დაამოწმებენ ამას და ოხვრით მოიგონებენ მის ღიღს თავის სიმდაბლეს, მამულისშვილურს დამოკიდებულებას და მუშა და ხელოსნის სიბრალოულს.

გიორგი დავითის ძე გამოცდილი იყო მუშებსა და ხელოსნების ცხოვრებაში და მიტომ მან მათი ცხოვრებაც კარგად იცოდა, მათი ცხოვრების ყოველი ნაბიჯი და წერტილსაც კარგად იცნობდა, სულ ამის მეოხება იყო, რომ იგი ქართველ მუშებს და ხელოსნებსაც ღიღის სიბრალოულით უმზერდა და ყოველთვის და ყოველგან მათი მხარე ეკავა, მათი მოსარჩლე და ქომაგი იყო. ჩემს საუბარს ცნობებით ქართველთა სხვა და სხვა ხელოსნები და მუშებიც დაასაბუთებენ, ეს ამბები განსვენებულის დასაფლავების დროს მრავალთაგან იქმნა სიტყვით გამოთქმული და მწერლობაშიაც აღიარებული ბეჭდითის სიტყვით. გიორგი დავითის ძის ასეთი კაცად კაცური თვისება დღესაც ძრიელ ბევრს ხელოსანს და მუშებსაც ახსოვთ კარგად.

გიორგი დავითის ძე იყო საზოგადო მოღვაწე, მასთან ცნობილი პირი და საზოგადო მოღვაწეობის გარეშე სხვა და სხვა სამრეწველო და საიჯარადრო საქმეებშიაც დიდათ მოხერხებული, საკუთარის ორგინალურის ნიჭის პატრონი, ყველა საქმეზედ გამრჯე, გამარჯვებული, ყველგან კარგის ენერგიის გამომძიენი. სადაც კი ამ პირმა თავის ცხოვრებაში ხელი მოაწყო და კეთება დაიწყო, ყველგან გაიმარჯვა, ყველგან ლელო გაიტანა, თავისი გზა გაარკვია და მის მეოხებით ცხოვრების ასპარეზედაც საკმარის წერტილზედ ავიდა, საკმარისედ შეძლებაც შეიძინა ისე, რომ თბილისში სადაც ერთი და ორი

შედლებული კეთილი კაცები იხსენებოდნენ, იქ გიორგი დავითის ძის სახელიც სახელოვნებდა. წელში გამაგრებულმა გიორგიმ ბევრს საიჯარადრო საქმეებს მოჰკიდა ხელი და უკანასკნელ გორიდან ატენამდის რკინის გზაც გაიყვანა, საიღამაც მას რკინის გზისთვის ხე ტყეც გამოჰქონდა, ამ საქმეში მან საკმარისად იზარალა. ისე, რომ ზარალმა მის ცხოვრებას დიდი ბეჭედი დაასო, დიდი ზეგავლენა იქონია არა მარტო გიორგის გარეგან მხარეზედ, არამედ შინაგან მხარეზედაც, მისი საქმეები საკმარისად შეირყა და დაუძლურადა, მაგრამ ამ დაუძლურების დროსაც მას წარბი არ შეუხრია, ზურგიც არ უდრეკია, როგორც თავის უწინდელის მამულიშვილობისათვის, ისევე თავის კაცთ-მოყვარეობის და კეთილის სიბრალურისათვის.

ამ მარცხს მომავალსაც გაუძლო გიორგიმ და თუმცა დიდის ტვირთით და შრომით კი, მაგრამ უკანასკნელ თავის ცხოვრების საქმეც საკმარისად მოგვარა. საქმეი და სანატრი ისეთი კაცები, რომელნიც თავიანთის ინერციით თვით უკანასკნელ სულის განწირულებამდისაც კი არ ჰკარგავენ, ყოველ ნაირს საშუალებას ხმარობენ, რათა ყოველ მარცხის დროს კაჟივით დაშთნენ და ცხოვრებაში უცვალებელ იქმნენ, წარბიც არ შეიხარონ. გინდ სენ სიმონივით უკიდურეს სიღატაკეშიაც ჩავარდნენ. გიორგი დავითის ძის ასეთი თვისების სრული მოწამეა ის გარემოებაც, რომ იგი თვით ასეთ დროსაც კი დიდათ პატივს სცემდა სწავლა-განათლების საქმეს; ქართველებში სკოლების დახსნას, ქართველთა შვილების უმაღლეს სასწავლებელში წასვლას და სხვა. ასეთ ქართველ მოსწავლეებზედ მას ერთობ დიდი ფული აქვს დახარჯული, მისი ანუსხვა ჩვენგან ძნელია, სადაც კი ხელის მოწერა გამართებოდა მოსწავლეთა სასარგებლოდ, იქ გიორგი დავითის ძე პირველ რიცხვშივე მოჰყვებოდა, ვინცკი მივიდოდა მასთან, თუნდ უცხო, თქვენ არ მომიკვდეთ, რომ იგი მისის სახლის ზარის რეკით არ დაიღალებოდა, ვინც კი ჩამოკრავდა ზარს, მაშინათვე მზათ იყო მსახური კარის გასაღებად.

ეს მხარე ჩვენი საზოგადოების წინაშე იქამდეს საყურად-
ღებოა, რომ ჩვენ ამის აქ ანუსხვა მოვიხდომეთ. რადგანაც
ბევრს ალაგას და ბევრს შეძლებულ ქართველის სახლის წინ
რომ მიბძანდეთ, თქვენ ვერ მოახერხებთ და კარს ვერავის
გააღებინებთ. გინდ მთელი დღე რომ ზარი რეკოთ, მაინც
არა გამოვარა, ისინი თავიანთ ყალიბის კაცს იცნობენ, სხვას-
თან მათ საქმე არა აქვსთ, რაც გინდ გაჭირვებული იყოს,
რაც გინდ პირქვე დამხობილი, იგი მაინც მათ ხილვას ვერ
ელირსება. სახლში არავის მიიღებენ, კარს არავის გაუღებენ
და გინდ გაუღონ, მაინც მაშინათვე უარს სტკიცვენ, ბატონი
შინ არ არისო. ისეთ გმირ პირებისაგან საქართველოს შესახებ
ყვირილი და ღრიანცელი კი ერთობ ხშირია: „გაუმარჯოა
საქართველოს“ უხვათ იციან, ქახ-ქუხიანი სიტყვების სრო-
ლა, დახმარებაზედ საუბარიც ძრიელ უყვარსთ, მაგრამ სულ
ოსტატურად, გარეგნობით, მოტყუებით და არა ისე როგორც
ეს გიორგი დავითის ძემ იცოდა. გიორგი დავითის ძის ყველა
სასიკეთო მხარეების ანუსხვით ჩვენ თავს არავის შევაწყენთ,
რაც მოვიყვანეთ, ვგონებთ ისიც საკმარისი უნდა იყოს, მისი
თვისების დასახატავათ, რომ იგი ნამდვილი მამულისშვილი
იყო და მის კეთილის ფენას საზღვარი არა ჰქონდა. დაუფ-
წყარის სერგეი მესხის რედაქტორობის შემდეგ გახდა „დრო-
ება“ ივ. მაჩაბელმა აიღო. ეს იყო რედაქტორად ხალხი გა-
მომცემლად კი გიორგი ქართველიშვილი იქმნა დანიშნული,
მან ეს ტვირთი დიდის სიამოვნებით იკისრა და ამისათვის მან
საკმარისი ფულიც დახარჯა. ამის შესახებ დიდის თავაზით
და პატივის ცემით მოიხსენა ჩვენმა მწერალ-მოღვაწე. ნიკო-
ლოზ ხიზანიშვილმა ერთ წერილში, რომელიც გიორგი და-
ვითის ძის ვარდაცვალების გამო „იფერია“ ში დაისტამბა, ამ
წერილში ბევრი რამ იყო სინიღისიერად გამოთქმული გიორ-
გი დავითის ძის შესახებ, სამართლიანი დაფასება გახლდათ. ეს
წერილი ნათლად ლაღადებს გიორგის მალაღს ადამიანობას
და ქართულს მამულისშვილობას.

ვიდრე გაზეთი „დროება“ არსებობდა, მინამ გიორგი დავითის ძეს მისთვის თავის მთარველობა არა დროს არ მოუკლია, იგი მას ყოველთვის გარს ეფინებოდა და გაზეთს რომ რამე გაჭირვება მოსვლოდა, იგი მის ამ გაჭირვებას სულ არ შეამცნვენიებდა. ასეთი თვისებისა იყო გიორგი დავითის ძე და ასეთის მამულის შვილობით ეპყრობოდა დღიურ გაზეთ „დროების“ არსებობის და გამოცემის საქმესა*). ამავე დროს მან დიდი ყურადღება მიაქცია ქართული ისტორიის საქმეს და ისურვა „ქართლის ცხოვრების“ გარეშე ვახუშტის ისტორიის გამოცემაც. ეს საქმე რასაკვირველია მეტად ძნელი იყო, ჯერ ერთი მიტომ, რომ მას დიდი შრომა დასჭირდებოდა და მეორე ფულიც საკმარისი მოუნდებოდა, ბევრის თათბირის შემდეგ, ისტორიის შრომა, განხილვა, შენიშვნების დაწერა და გარჩევა დიმიტრი ბაქრაძეს აკისრებინა და დასაბეჭდი ხარჯი თვითონ იკისრა.

მალე შეუდგა დიმ. ბაქრაძე ვახუშტის ისტორიის განხილვას, შენიშვნების მიცემას და უკანასკნელ 1885 წელ. იგი საქართველოს რუკით ცალკე წიგნათაც გამოიცა. ეს რუკა შეადგინა ცნობილმა ქართველმა ტოფოგრაფმა ბ. წილოსანმა, ცნობილმა ქართველმა განვითარებულმა პირმა და გ. ქართველიშვილის სიძემ. ამ პირს ამ გვარის შრომით სხვა ამავსე მიუძღვის ქართველთ წინაშე. ესეთის შენიშვნებით და ესეთის სახით ჩვენის ძველის ისტორიის წიგნის გამოცემა პირველი მაგალითი იყო იმ დროს. სამწუხაროდ ეს ისტორია მხოლოდ პირველი წიგნია, მეორე წიგნი შემდეგ უნდა ყოფილიყო, მაგრამ ეს ველარ მოხერხდა. რადგანაც გიორგი დავითის ძეს საქმეები სხვა გვარ წაუვიდა და თვით დ. ბაქრაძეც გარდაიცვალა. დღემდე ეს ისტორია ასეა დაუმთავრებელი და ვახუშტის ისტორიის ჩვენ მხოლოდ პირველი ტომი ვვაქვს, რომელიც გ. ქართველიშვილის ნატვრით და საფასრთ გამოიცა.

*) ნ. ხიზანაშვილის წერილი „ივერია“ ში, 1901 წ.

გიორგი დავითის ძის ქართულს სამწიგნობრო საქმეთა ასპარეზზედ მეტად საყურადღებოდ უნდა ჩაითვალოს მისგან მდიდრად „ვეფხვის-ტყაოსნის“ გამოცემა და მის გამოცემისთვის რა დიდი ცდა და შრომა. მან ინატრა „ვეფხვის-ტყაოსნის“ უდიდესად გამოცემა და ამის საქმეს მალეც შეუდგა, მისის ნატვრით შედგენილ იქმნა „ვეფხვის-ტყაოსნის“ განმზილველთ რედაქცია, შეკრებილ იქმნა სხვა და სხვა ძველი „ვეფხვის—ტყაოსნის“ ვარიანტები. ამ შეკრებილ ხელთნაწერს „ვეფხვის—ტყაოსნის“ რედაქცია დიდის გულის მოდგინებით შინჯავდა და არკვევდა, ბევრის ცდით და შრომით შესაფერად აღდგენილ იქმნა „ვეფხვის-ტყაოსნის“ დედანი, შემუშავებული, შემოწმებული კარგად და განმზადებული დასაბეჭდათ. ამ კამისიის შრომაზედ გიორგი დავითის ძეს საკმარისი ფული აქვს დახარჯული. ასეთ დასახარჯს იგი სულ არ ერიდებოდა, ოღონდ კი საქმე შესანიშნავად შესრულებულიყოს, დედნის აღდგენის შემდეგ, შესაფერ სურათების თავდარიგს შეუდგენენ, ამისთვისაც დიდათ იშრომეს, კაი ფულიც დახარჯეს, ბევრნაირი სურათები ხატეს, ზოგი ძველის სურათების თანხმად და ზოგიც ახლის მოსაზრების კვალად, ბევრი შრომის, წვალების შემდეგ უკანასკნელ როგორც იქმნა გამოჩენილ მხატვარს ზიჩს აკისრებინეს მთელის „ვეფხვის-ტყაოსნის“ სურათების დახატვა. მხატვარი შეუდგა სურათების ხატვას და რაც კი შეიძლებოდა გიორგი ქართველოვს ამისთვის არავითარი შრომა და საფასი არ დაუკლია, უმეცადინია, რომ ოღონდ კარგად გამოვიდეს, ოღონდ „ვეფხვის-ტყაოსნის“ საქმე კი ევროპიულის ხელოვნურის მხატვროვნების სურათებით ვნახო და რაც უნდა დაიხარჯოს მე ამას არ შევხედავო, ამისთვის მან გადასდო 10,000 მანეთი.

საყურადღებოა აგრეთვე აქ ის მხარეც, რომ გ. ქართველიშვილის ნატვრით „ვეფხვის-ტყაოსნის“ ფურცლები შემკობილ იქმნა ქართულის ძველის სხვა და სხვა ჩუქურთმიანის არშიებით და ყვავილებით, რომელნიც სხვა და სხვა უძველე-

სის ტაძრებიდგან იქნენ გადაღებულნი და მასთანვე სიფრთხილით დაცული და შემკობილი ხელოვანის ოსტატის ბ. გ. ტატიშვილის მიერ. მოკლედ უნდა ითქვას, რომ „ვეფხვის-ტყაოსანს“ ამ გამოცემის მხრით კარგი ისტორია აქვს. ყველა საჭირო სურათების მომზადების და ძველი ჩუქურთმიანი ყვავილების მოჭრის შემდეგ მალე „ვეფხვის-ტყაოსნის“ გამოცემასაც შეუდგნენ. გამოცემა მოხერხდა დიდის სიფრთხილით, წიგნის ყდა ოქროს დავარაყებით და დიდის შემკობით ევროპაში იქნა გაკეთებული და 1886 წ. თფილისში გამოიცა შესანიშნავი გამოცემა „ვეფხვის ტყაოსნისა“ რომელ გამოცემაც მთელმა ქართველობამ დიდის ახტაცებით მიიღო.

„ვეფხვის-ტყაოსნის“ სურათებს, ბევრს ალაგას, მკოდნე ქართველთგან ნაკლი შეემცნა და ეს ნაკლი ჩემთვისაც კა უცხო იყო. ამაზედ იმავე დროს გ. დავითის ძესთან საუბარიც გქვონდა და წარმოიდგინეთ, რომ თვით მანაც დიდი საყვედურები აღიარა სურათების ზოგის არშესათერს გარეგნობაზედ. მაინც ესეც კარგი შრომა არს.

ასეთის დიდის შრომის, ფულის დახარჯვისათვის გიორგი დავითის ძეს ყველა დიდს ქებას და ახტაცებას უძღვნიდა. ქეშმარიტად რომ ეს ასეც უნდა ყოფილიყოს, გიორგი დავითის ძე რომ არ ყოფილიყოს, უიმიხოდ ეს წიგნი დღესაც დაუბეჭდავი იქმნებოდა. საქებია გიორგი ქართველიშვილი შით უფრო რადგანაც ეს ძვირფასი გამოცემა თბქმის მთელს ევროპის სამეცნიერო წევრებს უფასოდ დაუგზავნეს, ბევრის უცხოეთის წარჩინებულ მეცნიერ პირებისაგან მოუვიდა მის გამო მადლობის წერილები, ისევე გამოუგზავნეს მას სხვას და სხვა ევროპის სახელმწიფოთა მეცნიერ და მსწავლულ კორპოლებმა და მათმა შვილებმა, 1887 წ. საქართველოში გახლდათ იმპერატორი ალექსანდრე მესამე თავის მეუღლით, მიტომ გ. ქართველოვის დავალებით „ვეფხვის-ტყაოსნის“ შინაარსი რუსულად იქნა გადათარგმნილი და ცალკე წიგნად დაიბეჭდა, რომელ ფარგმანი და „ვეფხვის-ტყაოსნის“ ორი წიგნიც თვით

გ. ქართველოვმა მიართვა იმპერატრიცას, ვისგანაც მან დიდი მადლობა მიიღო და თან კიდევ ძვირფასი ბეჭედიო ბეჭედი რასაკვირელია ძღვნად იყო, მაგრამ გიორგი დავითის ძე იმპერატრიცას სიტყვიერ მადლობას უფრო დიდს პატივს სცემდა და დიდათ უჩაროდა, რომ „ვეფხვის-ტყაოსანი“ დიდათ მოეწონათო.

ეს იყო ჩემი ნატვრა და წადილი, რომ უცხო სტუმართათვის ერთი კარგი ქართული წიგნი მაინც მიგვერთმევენათ. მართლაც ქეშმარიტად, რომ „ვეფხვის-ტყაოსანი“ კარგად არის დაბეჭდილი, მასზედ დიდი შრომა არს დახარჯული და დიდი ფულიც დამჯდარი. გ. ქართველიშვილისაგან ამ გამოცემის შენიშვნა გვაუწყებს, რომ პირველად ჰაზრი სურათების „ვეფხვის-ტყაოსნისას“ დაბეჭდისა დაიბადა მაშინ, როდესაც იონა შეუნარგის თანხმობით შემდგარმა კომისიამ შეამოწმა ამ გამოცემის ტექსტი ძველ ვარიანტებთან.“ დიახ, ეს ასე იყო, მაშინ დაიბადა ეს აზრი, ხოლო ვის ეკუთვნის იგი, ვინ მოისაზრამის გამოცემა უპირველესად, ამაზედ კი სიტყვაც არ არის ნათქვამი და ამიტომ ჩვენ ვიტყვიან აქ, რომ მდიდრად გამოცემულ „ვეფხვის-ტყაოსნის“ გამოცემის აზრი პირველად გ. ქართველისშვილს დაებადა, მან ინატრა მის გამოცემა და ამიტომაც იყო, რომ 10,000 მან დახარჯა, ამ წიგნის გამოცემით გ. დავითის ძემ ჩვენს მწერლობას, როგორც შემოთავსთქვით, კარგი განძი შესძღვნა და „ვეფხვის-ტყაოსანსაც“ რასაკვირელია უფრო მეტი პატივ საცემი ზომა აღმოუჩინა.

გიორ. ქართველიშვილს, როგორც ქართველის დიდი სიყვარული და ტრფიალება ჰქონდა საქართველოსი, ქართული ძველი და ახალი მწერლობის და ნამეტურ ისტორიულის მწერლობის, „ვეფხვის-ტყაოსნის“ გამოცემით, მან კარგად ნახა, რომ ქართველებში წიგნების გამოცემის საქმე მეტად მწელი საქმე არი, ხშირად გამომცემელი აქ ისე ლუპავს წიგნში დანახარჯს ფულს, რომ უკანასკნელ იგი დანახარჯის შეათედსაც ვერ იღებს, გარდა ამის აქ მეწიგნეებიც ლალატობენ

და გამომცემლებს განაყიდ წიგნების ფულს არ აძლევდნო, ამიტომ ძველი და ახალი საქირო წიგნების საბეჭდავთ საკუთარი სტამბა უნდა გვექონდესო. უკანასკნელ დროებში გ. ქართველიშვილი სულ ამაზედ ფიქრობდა, თორემ ბევრი რამ ძვირფასი წიგნები ვერ ნახვენ მზის სხივებს, ბეჭვდასაო. ამიტომ მან ამის შესახებ „წერა-კითხვის სამართველოშია“ აღძრა კითხვა და საზოგადოებას მიმართა, რომ ეს საერთო სავაჭრო საქმის მეტაურება თქვენ იკისრეთ, თქვენ მოჰკიდეთ ხელიო.

განსვენებული ამ საქმისათვის ისე იყო მოწადინებული, რომ მის თანხის დასაარსებლად „წერა-კითხვის სამართველოს“ შესწირა თავისაგან მიერ გამოცემული ვახუშტის ისტორიის მთელი გამოცემა, თითო წიგნი 3 მან. ღირს, წიგნთა რიცხვი მრავალია, ესევე შესწირა ძვირფასად „ვეფხვის-ტყაოსნის“ გამოცემა, რომელიც ღირს ეგზემპლარი 10 მან. იყიდება. ეს გამოცემაც მრავლად არის, ამას გარდა საზოგადოებასვე შესწირა „ვეფხვის-ტყაოსნის“ სურათების ყველა კლიშეები, რომლითაც რასაკვირელია განსვენებულმა მეტად დიდი საქმე ქმნა, დიდი სამახსოვრო ხსოვნა დასტოვა როგორც ქართველთ წინაშე, ისევე ხსენებულსავე საზოგადოების ისტორიაში. იმედია, რომ ასეთის საქმეების გამო გ. ქართველიშვილს არ დაივიწყებს ქართული სიტყვიერების ისტორია გ. დ. ქართველიშვილს მოიხსენებდა ვითარცა ქართველს მწერველს, ვითარცა მამულისშვილს, მოღვაწეს ბევრს კეთილს საქმეებში, წევრს თითქმის ყველა ქართულის დაწესებულებისა, მასთან მკეთებელი ბევრის საზოგადო საქმეთა შენობების, როგორც დამხმარე შეუძლო ოჯახების და ღატაკ მოსწავლეების, ქართული ენის და მწიგნობრობის მოყვარეს, როგორც გაზეთ „დროების“ გამომცემელს და მასთანვე ქართული წიგნების ბეჭვდელს. რამდენათაც გ. ქართველისშვილი ამით დაფასდება, იმდენზედ მეტად უფრო თავის საკუთრის მამულისშვილობით, სუფთა მოქალაქობით, საქართველოს მაღალის

სიყვარულით, ქართული ენის ბუნდნიერების ძეგნით. მთელი თავისი დღენი ამ პატიოსანმა გვამა თითქმის ისე დაასრულა, ისე დამთავრდა თავის სიცოცხლის დღენი.

ეს რომ მართალი გახლავსთ ამას ასაბუთებს ის გარემოებაც, რომ იგი გარდაიცვალა მგლოვიარებაში მყოფი და აღშფოთებული სწორეთ ისეთ დროს, როცა მართლაც და ყოველი ქართველი მგლოვიარე და აღშფოთებული უნდი ყოფილიყო. უკანასკნელად გ. ქართველისშვილის სიტყვამ და გარდაცვალებამ ნათლად დაგვიხატეს ის გარემოება, რომ გ. ქართველისშვილს საქართველო და ქართველობა დიდათ ჰყვარებია, ჰყვარებია არა მარტო ცარიელი ლიტონის სიტყვით, არამედ საქმით, მთელი მისი სიცოცხლე იყო საქმე, საქმიანობა; ე. ი. შრომა და ამ ჭეშმარიტ საქმიანობითაც დააგვირგვინა თავის ადამიანური მოვალეობა, მამულისშვილობა.

რაც შეეხება გიორგი ქართველოვის სწავლა განათლებას და მოხერხებას, იგი იყო ზოგადი არსება იმ დასჯისა, რომელთა დაბადების დრო 1830 წლებს მიეწერება, თვის თანამედროვეებში იგი იყო უპირველესი ადამიანი, ადამიანი ბევრნაირის ღირსებით დაჯილდოვებულ შემკული და მასთანვე ცნობილი არა მარტო ქართველის საზოგადოების წინაშე, არამედ მთელს კავკასიაშიაც და ნამეტურ მთავრობის წინაშეც. მთავრობა მას იცნობდა როგორც საუკეთესო, პატიოსან ქართველ მოქალაქეს, ქართველ სწორე ჭეშმარიტს ადამიანს და ამიტომ იგი კარგის აღებ-მიცემის და სხვა და სხვა საქმეთა კარგად შესრულების გამო ღირსეულის ნიშნებითაც იქმნა დაჯილდოვებული.

თვით გიორგი დავითის ძე იცომა ქართულ ტანთ-საცმელს, ქართულს კაბას, ძველებურად. მისის ნახვით კაცს თვალით წინ წარმოუდგებოდა ძველ მოქალაქური ხანა ქართველთა, რომელთა რიცხვი 1840 წლამდე კიდევ სახილველი იყო და დღეს კი ეს ერთობ იშვიათია. გიორგი ქართველისშვილი გარდაიცვალა 20 სექტემბერს 1901 წ. ქალაქ თბი-

ლისს, თავის საკუთარ სახლში, იგი დასაფლავებულ იქმნა
თვისგან მიერ აღშენებულ დიდუბის ტაძარში თავის მეუღლის
გვერდით, განსვენებულს გარდაცვალების დროს, მთელმა თბი-
ლისის ქართველოზამ აგო შესაფერი პატივი.

ზოგი ერთი ბატონები გაიძახოდნენ და სწერდნენ კიდე-
ვაც, რომ ქართველ ერს არც ვაჭრობის შნო აქვსო, არც
მრეწველობის და არც სამეურნეოს ნაწარმოებთა წარმოებისაო.
ეს რასაკვირელია ოცნება გახლავსო და ასეთ პირთა ოცნება
ასეთ უჯერო მოსახრებას რასაკვირველია უადვილესად განფატვენ.
გიორგი დავითის ძის კაცებისთანა ცხოვრება და მათი აღწერა
და წაკითხვა. გ. ქართველოვი და მისთანები ჩვენი მრეწვე-
ლობის და აღებ-მიცემის ასპარეზს ფეხდა ფეხ მისდევენ,
კვალში უდგებიან და ხან მეთაურათაც ხდებიან, ამიტომ ჩვენც
მოვალენი ვართ, რომ ასეთ კაცთა მოქმედებას, ნაბიჯს და
შრომასაც ჯეროვანი ყურადღება მივაპყრათ. ქართველ ვაჭა-
რთ, მათ ხელ-ქვეით და სხვათა ამ გვარ პირთა საგულისხმოდ
მე თამამად ვასახელებ გ. ქართველისშვილის ცხოვრების და
იმ მოძღვრებით განმარტვას, რასაც განსვენებული ქართველთ
მრეწველთ და ვაჭართ ცხოვრებაში ხედავდა უაღრეს სავალ-
დებულო საჭიროებათ და რაც ჩვენც ზემოდ მოვიყვანეთ.
უეჭველია განსვენებულის ამაგადარს შეხედულებას თავისებუ-
რი ღირსება და მნიშვნელობა არ მოაკლდება და იგი დიდხანს
დაშთება ქართველთ ვაჭართ, მრეწველთა და მათ ხელქვეითთა
სახელმძღვანელოდ. ეს ხელმძღვანელობა არის ჩვენი აუცილე-
ბელი საჭიროება. თუ ასეთ მოძღვრებას და შენიშვნებს ქართ-
ვილნი უყურადღებოთ დასტოვებენ, მაშინ რაღა ფიქრი უნდა,
რომ ძალიან ადვილათ შეიძლება, რომ ქართველთ შრომა ვა-
ჭრობის და მრეწველობის ასპარეზედ უმნიშვნელოდ დაშთეს,
ვერათფერი გავაწყოთ, ცხადი საქმეა, რომ ეს ასეც იქნება, იქ
რა გაკეთდება, თუკი მკეთებელთ ერთმანერთის გატანა არ
ექნებათ, ერთმანეთის პატივის-ცემა, პურ-მარილის ხსოვნა
და სიყვარული. ბევრს ალაგას, ბევრს კარგს ქართველ ვაჭარს

მოკლო ბოლო მისის დახლიდრების შეოხებით, ბევრს ალაგას გაწყალდა და მოისპო კარგი სავაჭროები დაუნახავ უპურმარილო დახლიდრას და მოსამსახურეებისაგან. ესეთი უბედური შემთხვევები ქართველებში ერთობ ხშირია და ვიდრე გ. ქართველისშვილის შეხედულების და ქადაგების თანხმად ჩვენში არ აღორძინდება ის მიმართულება, რასაც გ. ქართველიშვილი ქადაგებდა, უამისოდ ყოველივე ამო იქმნება და ტყუილათ დანახარჯი. მაშასადამე ჩვენს უპირველეს ვალს უნდა შეაქდგენდეს ვაჭრობის ასპარეზედ ერთმანეთის ცნობა, დაახლოვება და ერთობით სიყვარული, რასაც გ. ქართველისშვილის ენაც ხშირად გვარიგებდა და ამ დარიგებისათვის იგი გვემუდარებოდა კიდევ.

ახალის ეკონომიურის მოძღვრებით უნდა მოგახსენოთ, რომ ვერც ერთი კაცი სიმდიდრით ვერ წავა ისე წინაო, რომ მან ამ სიმდიდრისთვის სხვისი ძველები არ გამოხრას და ათასი და ორი ათასი ლატაკის შეუძლოს დღენი არ ინაცვალოს და არ შეიწიროსო. ევროპაში მართლაცა ეს ასეა და იქ ყოველი პირის სიმდიდრე საწყალი კაცის გამხმარის ძვლებიდან შენდება, ამ ჰაზრის არიან როგორც ძველის ეკონომიურის სკოლის მწერალ-მეცნიერნი, ისევე ახალ დროისანი. სენ-სიმონმა სიმდიდრეს სახელად ხალხის ძვლებიდან განაწოვი ძალა უწოდა, ანუ ლათის ტაძარი, პრუდონმა ქურდობათ ჩათვალა და სხვებმა კიდევ სხვაფერ ახსნეს, ყველა კი ამ კერპების ტაძარს გამოებით უცქერდნენ და სამართლიერადაც სჯიდნენ, რომ სიმდიდრე არის საწყალთაგან წანატაცი, ანუ ვაცარცული ნაცარცვიო, ევროპაში ეს ასეა, მაგრამ ჩვენში კი სულ სხვა არის და ნამეტურ გოორგი ქართველოვის გვერდით. ამ პირის ცხოვრება ისე წავიდა წინა, მისი მოქმედება და საქმიანობა ისე სწარმოებდა რომ მას თავის დღეში, თავის სიცოცხლეში არც ერთს ლატაკს წრესა და წოდებასთან არავითარი კავშირი არა ქონია, მას ამ საწყლების გამხმარის ძვლებიდან არაფერი სიმდიდრე არ უშოვნია და უწუწნია. მისი შეძლება

შემდგარ და შეძენილ იქმნა უფრო ისეთ საქმეებთანაგან, რომ მელთანაც საწყალ ხალხს არავითარი კავშირი არაჰქონდა, და თუ ქონდა მაინც და მაინც ვისმეს ამასაც უფრო თავის სარგებლობის გამო, და არა ისე, როგორც ეს ევროპაში არის, რომ ყოველ მდიდრის შეძლება საწყალოთა განხმარის ძვლებიდან შენდებო.

გიორგი ქართველიშვილი ასეთ ოსტატობას და უადამიანობისაგან ერთობ შორს იდგა და მის შეძლების ასპარეზედ ძნელად რომ ზისიმე შეუძლო პირთა სხეულის სხვერპლთა შემწირველობა მომხდარიყო. როგორც ზემოთაც ვსთქვით ვერც ერთი ხელოსანი და ვერც ერთი მუშა თვით გ. ქართველისშვილისა, რომელთაც უფრო კარგათ იციან მისი ცხოვრება, ვერ იტყვიან ამის საწინააღმდეგო სიტყვას, ნაცვლად ამის გ. ქართველიშვილი ყოველთვის დიდი მფარველი იყო საწყალი შეუძლო კაცისა და იგი ამ შეუძლო ერთგვის უკანასკნელს კაპეიკსაც კი არ იშურებდა.

ამითი საქებია გ. ქართველიშვილი და მასთან მთელი მისი მოქმედება, რომელსაც და მართლა მთელის თავის მოქმედებით სიკეთის მეტი სხვა არაფერი მოუტანია. ვერც ერთი მუშა, ვერც ხელოსანი და ვერც სხვა ვინმე, რომელსაც კი უმუშაენია მასთან ის ვერ იტყვის, რომ მისთვის გ. ქართველისშვილს რამე მეტი გამოეგლიჯოს და წაერთმეოს, ნაცვლად ამის გ. ქართველისშვილის მეოხებით ბევრს ლატაკს ქართველს ხელოსანს და მუშას გაუმაგრებია წელი, ბევრი გამოსულა ცხოვრების ასპარეზედ საკმარისის შეძლებით და შნოთი. ასეთ ფეხზედ დაყენებულთ და ფეხ გამაგრებულთ მუშათ და ხელოსანთა რიცხვი დღეს ჩვენში ერთობ მრავალია და იგინი გ. ქართველიშვილის ამავსაც არას დროს არ დაივიწყებენ. თუ ამას იკითხავთ ახლა თუ მან რითა შეიძინა თავის ქონება თუ არ ცნობილის ტაციობითაო? ამაზედ ჩვენ ვიტყვით რომ მის მაძიებელმა იქნოს მცირე დუმილი, საქმის დაკვირვება და ის მაშინ ამაზედ ცხადათ დარწმუნდება, რომ

გიორგი ქართველის შვილის სიმდიდრე სულ სხვა და სხვა ისეთის წყაროებიდამ უნდა იყოს შემდგარი, სადაც ქართველ გლეხთა შრომას და წაგლეჯას არავითარი კავშირი არ უნდა ქონდეს. ამის უტყუარი საბუთია ძველი ცხოვრება: გ. ქართველის შვილისა და სწორეთ ეს დიდო საბუთიც ამალღებს მას.

გლეხთა და მუშათ შესახებ როგორც ვსთქვით გიორგი დავითის ძე იყო მეტად საუცხოვოს თვისების, მას თავის შეძლების დაგვარად სწამდა ამის ბედნიერება. ეს რომ მართალია, ამას ცხადათ ამტკიცებს შემდეგი სამაგალითო გარემოებაც: უკანასკნელ რუს-ოსმალოს ომის დროს, გიორგი დავითის ძეს, როგორც მხნესა და სანდო პირს, მთავრობამ მიანდო კავკასის გზით რუსეთიდგან საქართველოში ფქვილის და ასეთ სურსათის გადმოტანა. გიორგი დავითის ძისთვის საქირო იყო ურმები, ურმები რასაკვირელია კარგად მოწყობილი უნდა ყოფილიყოს. ამ საქმისთვის მან თფილისის ახლო-მახლო სოფლებში მოძებნა ქართველი ლატაკი უსაქონლო გლეხები, ქართველები, მათ მოელაპარაკა, საქმის ვითარება შეატყობინა, გლეხებმა ყოველივე მოისმინეს, ინატრეს საქმის აღება, მაგრამ რადგანაც ლატაკი იყვნენ და საქონელი არ ებადათ, ამიტომ დავალებას ვერ ასრულებდენ. გიორგი ქართველს გლეხების ასეთმა გარემოებამ მალე დააფიქრა: მან მათ უყიდა ხარ-კამეჩი, კარგი ურმები გაუყუებინა და უთხრა ასე:

— ეი ეს საქონელი, ესეც ურმები, წადით, ღმერთმა გიშველოთ, იმუშავეთ, გაემგზავრეთ, კავკასს, გადმოსატანი გადმოიტანეთ და მერე ვიანგარიშოთ რაც ამ საქონელს და ურმებში მიცემულს ფულს გარდა კიდევ გერგებათ რამე, იმასაც მერე მიიღებთ.

ღარიბ მეურმეთა სიხარულს საზღვარი არა ქონდა, ლოცავდენ გიორგის დღეს. ესენი მალე წავიდნენ კავკასისკენ და დავალება პირნათლად შეასრულეს, მალე ყოველივე ჩამოიტანეს და ჩააბარეს. საქმის ჩაბარების შემდგომ, იანგარიშეს და გლეხებს ფულიც ერგოთ, რაზედაც დიდათ მოხარულნი დაშ-

თენ და გიორგის სახელსაც ლოცავდნენ. ასე და ამ გვარად გიორგის მეოხებით რამდენსაღე ქართველთ ლატაკ გლეხებმა პირში სული ჩაიდგეს და ოჯახებისთვის ხარ-კ მეჩები და ურმებით დაჯილდოვდნენ, იგინი ამის საშუალებით ცხოვრებისთვის მოწყობასაც მიეცნენ და მომავლისთვის წელში გამაგრებაც იწყეს, მე დარწმუნებული ვარ, რომ ასეთი მაგალითები გიორგის ცხოვრებაში ერთობ მრავალი იქმნება.

გიორგი დავითის ძეს მთელს თბილისში იცნობდნენ ვითარცა კაცთ მოყვარეს, მართალს და დიდს სიმარიალის მექონს, ამიტომაც იყო რომ იგი ქ. თბილისს, ერთ ხმად და თანხმად აირჩიეს თბილისის ობოლთა გამგეობის მზრუნველად სადაცდა მართლაც ძველთაგანვე დაკარგულიყო ჭეშმარიტ სიმართლე. ეს საზოგადოება იმ თავიღვანვე ასცდა ამას, რადგან გამგე პირთა წყალობით ობოლთა საკმე ყოველთვის გლეჯასა და ცარცვას იყო მიცემული. გიორგი დავითის ძემ ამ სამართველოში რამდენხამე ხანს დაყო, და ამ ხნის განმავლობაშიც მან სრული პატივის ცემით დაიმსახურა. ამის დროს, საუბედუროთ, ობოლთა სამართველოში უფროსად ირიცხებოდა ერთი ისეთი პირი რომელიც ობოლთა ფულებს უღმერთოდ ფლანგავდა. ამ გაფლანგვის ამბები მთელს თფილისში მოიფანა, ამ პირის უღმერთო გაფლანგვამ ბევრს აღაგასყელი გამოსჭრა საბრალო ობლებს, მცირე წლოვანთ, გასათხოვარ უპატრონოებს, ისეთ უპატრონოებს რომელთა სიცოცხლის ბედნი და უბედობა მათს უკანასკნელ გროშებზედ იყო დამოკიდებული. ყველა ეს უბედურობა გიორგი დავითის ძემ კარგად იცოდა და ამიტომ იგი ყოველგან ობოლთა მხარეს იკავებდა, ასმენდა უძლურთა პატრონებს, და მზრუნველებს, რომ თავიანთ ობოლთა ქონებისთვის უპატრონებიანთ ბევრმა მოახერხა და თავი დაახწია ბოროტების კლანჭებს, ბევრმა კი ვერ მოასწრო, ვინც მოასწრო ისიც რასაკვირელია გიორგი დავითის ძის წყალობით ვისაც კი მისწვდა ამ პატრონანი კაცის ბაგე, იმან შეისმინა ცნობა და თავს უშველა და ვისაც

ვერ მისწვდა ეს პირი და მან არაფერი შეიტყო ის მსხვერპლი გახდა პატიოსანის მოქალაქე განათლებულის შვილის, რომელიც ევროპიულს ტანთ-საცმელში მორთული, ოქროს სამაჯურები და საათით და ცილინდრით გამოქიმული მოსამართლის სკამზედ გამოქიმეს და რომელიც ობოლთა ღალატის გამო ციმბირს წაბძანდა. იქმნება ამას ციმბირს წასვლა უვება უნდა ყოფილიყო მას, არა მგონია, უბრალო უნდა იყოს ამის ფიქრი, მას თან მისდევდა მრავალთ უძლურთ და ობოლთ მწარე ცრემლი და წყევა, კრულმა, რომელსაც ვგონებ თვით სამარეც კი ვერ მოასვენებს. აი ასეთ ჯაღო და გულღვიძლ დაშხამულ პირებთან უბდებოდა ყოფნა გიორგი დავითის ძეს და მათან თვისი პატიოსანი გრძნობების მოშხამვა და მოწამლვა. სულ ასეთი ჯაღოქარ პირებს მეოხება იყო, რომ გიორგი დავითის ძე, თვით უკანასკნელ დროსაც კი თვისის სიცოცხლით მოშხამულ იქმნა ერთის პირისაგან, მაგრამ მან მაინც როგორც შორს მიხვედრილმა კაცმა, თავისი მხვედრი გაიტანა, ყოველი ამაოება სოფლისა დაითმინა, ამხანაგთა და მტერთა მახვილსაც სულ მაგრად დაუხვდა. და უკანასკნელ თუშცა დიდის სხვერპლთა შეწირულებითაც კი, მაგრამ მან გვასწავლა თავ-განწირული მუდმივი შრომა და ღწვა და მასთან არ დავიწყება ქვეშარიტების და დიდის მამულისშვილობის, რაც ყოველთვის უკიდურეს განწირულებაში მყოფთ პირსაც უნდა აქვდეს, იგი ამაგრებს მას და უკანასკნელ ასეთ პირთა ცხოვრების მომავალსაც საუკეთესოს მხრებით ფარგლავს და სინიღისიერს მამულისშვილის სინიღისიერივე გარემოება ფლობს მკაცრათ, მას ვერ ლახავს ვერც მტრის მახვალი და ვერც ზარალი, ვერც სხვა ამ გვარ უსამართლოდ მონარუქებული საქმენი, რომელნიც ყველგან ყველა უგმირეს მამულისშვილებთაგან გმობილ უნდა იქმნეს და რომლის უტყუარს მაგალითს წარმოგვიდგენს გიორგი დავითის ძის მამულისშვილური მოქმედება და მაგალითები. ამიტომ ქართველთ წინაშე გიორგი დავითის ძის სანაქებო მაგალითები და მისა-

ბაძი მხარეები მეტად დიდხანს დაშთება ქართველთ წინაშე და იგი ბევრს ქართველის სულსა და გულსაც განცხოველებს, რაც რასაკვირელია გიორგი დავითის ძის ხსენების ჯილდოდ უნდა ჩაითვალოს.

დასასრულს უნდა ითქვას შემდეგი: გ. დავითის ძე, როგორც ვსთქვით კიდევაც და ბევრს სხვებსაც უთქვამსთ, იყო დიდი მახვილ გონიერი კაცი, მას ნათელი წარმოდგენა ჰქონდა ქართველი ერის ცხოვრების შესახებ. ვაჭრობა, მრეწველობა, და მასთან სხვაც ბევრი რამ ასეთის დარგისა მეტად დიდს საქიროებათ მიაჩნდა. იტყობა ხოლმე: ქართველი ერი, დღეს უკვე გამოვიდა ძველ ხილულობის ასპარესზედ, მათში ვაჭრობის სხივმაც გაიელვა და იმერთ გარეშე ქართლელთაც აწყეს გამოსვლა და თვალის გახილება, საითაც კი გაიხედავთ მადლობა ღმერთს, ყველგან შეიტყობთ, რომ ქართველ ერს არ სძინავსთ, იგინი საქმის და მომავლის წარმატებას ელიან, ყველგან ემცნევა ქართველს რომ იგი აღებ-მიცემის ასპარესზედ ახლად იწყებს აღორძინებას ამიტომ საქიროა და თან მეტად სანატრელიც, რომ ქართულს ენაზედ რუსულის ენიდამ ითარგმნოს საბუჰხვალტერიო წიგნები, საკომერციონი და ქართულათაც დაისტამბონ, რომ მის საშუალებით ქართველთა ახალ აღებ-მიმცემთ სახსარი მიეცესთ წინ წასვლის, წარმატების, კარგად საქმის შესწავლის და ვაჭრობის და მრეწველობის ასპარესზედ თამამად გამოსვლის. უამისობა ჩვენგან არც შეიძლება, რადკანაც ჩვენ კარგად ვიცით, რომ მთელი ევროპის ერთი ვაჭრობის და მრეწველობის ასპარესზედ მხოლოდ ამ გზით წავიდა წინ, ამით გაახილეს მათ თვლები და ჩვეუც რასაკვირელია ასე უნდა მოვიქცეთ, ისეთი წიგნები უნდა ითარგმნოს და დაიბეჭდოს ქართულს ენაზედ რითაც ჩვენი ტომის ძეთა გონება კარგის აღებ-მიცემის ცოდნით შეიმოსება, ქართველი თავის სამშობლოში ევროპიულს მცოდნე ვაჭრად, ხელოვნად და მუშად გახდება. ქართველი თუ საქართველოში არ განკაცდა და დაწინაურდა, შესაძლებელია, რომ ის სხვა-

გან სულ ვერ გამოდგეს, იქ ცხოვრების სახსარაც კი ვერ მოიპოვოს, კაცის არის, ვინც თავის ქვეყანას გარეშე სხვაგანაც კეთილად დაირჩენს თავს და თავის ტომსა და ქვეყანასაც ასახელებს. უამისოდ კი კაცი არაფერი იქმნება და შინ უვარგის შეიძლება რომ კარშიაც უვარგისი დარჩეს, ამის სახსრად და წამლად მე მწერლობა და სასწავლო წიგნები მიმაჩნიათ. იტყოდა ხოლმე:

წავიდა იმისი დრო, როცა ქართველის კაცის აღებ-მიცემა ორის ძველის დავთრით სწარმოებდათ. ეხლა აღარც ის დრო არის და აღარც ის ანგარიშები გამოდგებათ. ამის სამკურნალოდ არამც თუ მარტოდ წიგნებია ქართულს ენაზედ საჭირო, არამედ თვით კომერციული სკოლაცო, რომ აქ მოხარდ თავობამ იაროქ და აღებ-მიცემის ვითარება შეიტყონო. ასეთ წიგნებთა თარგმნის საჭიროებას დიდი მნიშვნელობა უნდა დაეთმოს თვით ჩვენგანაც, რადგანაც ქართულს ენაზედ ასეთის წიგნების სრულიად არაფერი არსებობს. ნუ თუ ამის დრო არ მოვიდათ, იტყოდა ხოლმე განსვენებული. მოსვლით კი მოვიდა, მაგრამ პატრონი არ არის, რომ ამ საჭირო მხარეს ყურადღება მიაქციონ და პატრონობა გაუწიონო.

ვგონებთ, განსვენებულის ნატვრას განმარტება აღარ მოუნდეს, რადგანაც ყოველი მისი სიტყვა და ჭეშმარიტება ნათლად ღალადებს გიორგი დავითის ძის მალაღს მნიშვნელობას და მამულისშვილობას, ასეთ მოსაზრებაში გ. დავითის ძეს ცალი არ ჰყვანდა და იგი სამაგალითო იყო ყვალას წინაშე. ეჭვი არ უნდა, რომ ბევრი დრო გავა და გ. ქართველოვის ნატვრას კი ფრთები არ შეეკვეცება, იგი ქართველის ერის ცხოვრების ასპარეზზედ ცხოვლად დაშდება და თავის კვლად სარგებლობასაც მოიტანს. ეს იყო გ. დავითის ძის ნატვრა და ესენი მოისმოდა ნატვრით მისის გულის სიღრმედად. მისი შორს-მჭვრეტელობა ყველასთვის ცხადი ხდება და მიტომაც არს, რომ ამ საჭიროებას და ქართველი ერის ნაკლს ყველა შესმენილი ქართველიც კარგად გრძნობს და მასზედ

947.922

*551

— 40 —

მწუხარებით ლაპარაკობს კიდევ. უმთავრესად კი ყველა ამ
ნაკლთა მიხვედრის მცნება გ. დავითის ძეს ერთობ აღრე დაე-
ბადა, ამაზედ მან სჯაც იცოდა და მასთან ნატვრა, რომ
ქართველმა ერმაც თვალი გაახილოს ვაჭრობის ასპარესზედ
ნათელის მცნებით გამოვიდეს და განკაცდესო. ამას ფიქრობდა
განსვენებული ყოველთვის და ვგონებთ, რომ ჩვენც ამას
უნდა ვფიქრობდეთ.

947.922

♣ 551

ზ. ჭიჭინაძე

მეორე თუმანოვის ქუჩა, სახლი 30 №-რი.

ვანი-ორი შაური,